

小謨觴館詩文集注

卷一

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

小謨觴館詩集注卷第四

錢唐孫元培纂輯  
長熙

星社集二

癸丑迄乙卯

春日赴霍邱途次積雨未霽遣興二首

癸丑

三日春膏土脉蘇重陰如幕護蘭塗人分笠屐東坡影  
天入雲煙大米圖沙柳亭空官道驛風帘門掩酒家墟  
墊巾枉被時流學我未聲名到俊廚

東坡笠屐圖

國朝宋犛跋云予家藏絹本當是元

人筆其上題曰東坡訪黎子雲途中值雨乃於農家  
假簞笠木屐戴履而歸 宋史米芾傳子友仁亦善  
書畫世號小米 後漢書郭泰傳嘗遇雨巾一角墊

時人乃故折巾一角以  
爲林宗巾其見慕如此

空花作雨尙紛紛綠慘荒原溼不分野水痕多當路見  
林鳩聲斷逆風聞無人覓渡憐孤舫不解還山笑白雲  
觸起平生簑笠夢清波芳草牧羊羣

朱子名臣言行錄寇萊公知巴東縣嘗賦詩有野水無人渡孤舟盡日橫之句時以爲若得用必濟大川

晚晴抵夷陵

潁上六十里鋪名非宜昌地

積雨連朝昏濃陰匝旬蔽廓清感輕風能爲天撥翳高  
穹洗青銅皎鏡出新礪暝色蒼然來俯首月在地澄澄  
積水中孤光一搖曳物極則必反水火愁旣濟誰當知  
此情試誦人間世

莊子內篇人間世郭象注與人羣者不得離人然人間之變故世世異宜唯無心而不自用者爲能隨變

所適而不  
荷其累也

早行遇雨小憩曹家店

天公苦行人轉輾弄諸態慳此風日佳未肯輕相貸昨  
宵月澄鮮破曉霧濛昧似恐肩輿遲急雨促奴輩穿林  
作暝行洗眼出雲背小店圍苓通敗屋光破碎得此意  
亦足華堂幾可廢此生寧有涯跋涉未敢愛獨羨羊裘

翁風門看春碓

蘇軾華陽集 二首

王安石登小茅山詩物外真遊來几席人間榮願付  
蒼通方萬里瀛奎律髓注馬矢爲通豬矢爲苓 莊  
子養生主吾生也  
有涯而知也無涯

廟臺集水漲舍陸登舟

風攪一天愁低迷問渡頭波闌官道失雲擁片帆流坐  
乃雜輿隸程誰報水郵關心引渠事舊地考雩婁

淮南子人間訓孫叔敖決期思之水而灌雩婁  
之野莊王知其可以為令尹也注雩婁今廬江

霍邱贈蔣湛華明府 業謙 二首

玉筍仙班粉署郎官間偏愛酒徒狂招看蓼國千畦秀  
恰趁桃花一水香上已春光開汝潁楚天遙感落江黃  
邀牀要問潘懷縣乞取河陽種植方

唐書李宗閔傳典貢舉所取多名士世謂之玉筍  
又鄭谷詩漫道官趨玉筍班 杜預左文五年傳楚  
子燮滅蓼注蓼國今安豐蓼縣按今霍邱古安豐地  
成都記太守凡出遊士女列於木牀觀之謂之邀  
牀故謂太守曰遨頭 白帖潘岳為河陽令多植桃  
李謂為花縣又按岳有在懷縣作詩二首見文選

綠莎廳畔印牀清壯縣頭銜漫叟名俚硯小奚薰麝立  
放衙長史拂花行庭多乞牘書應苦山入鉤簾眼暫明  
自是前身香案吏豈宜銅竹著專城

雞跡集河中府有綠莎廳按此借作通用語 唐書  
元結傳後家灤濱稱浪士及有官人以爲浪者亦漫  
爲官乎呼爲漫郎酒徒又曰公漫久矣可以漫爲叟  
唐書張旭傳旭初爲常熟尉有老人陳牒求判宿  
昔又來旭怒其煩老人曰公筆奇妙欲以藏家耳  
元稹詩我是玉皇香案吏 史記孝文帝紀初與郡  
國守相爲銅  
虎符竹使符

縣齋卽事再贈湛華二首

櫻桃小部按紅牙紫玉生香鬪碧紗隔燭臉波春泛酒  
邊雲歌板月停花新歡無恙東山墅舊夢重牽北里車

欲喚柰何愁起立風光容易感韶華

晉書石季龍載記季龍寵惑優童鄭櫻桃 宋史錢  
俶傳俶貢紅牙樂器二十二事 陳旌詩仙女乘鸞

吹紫玉按謂簫也

白居易天津橋詩眉月晚生神

女浦臉波春傍窈娘堤

晉書謝安傳雖受朝寄然

東山之志始末不渝每遊賞必以妓女自隨

左思

詩南隣擊鐘磬北里吹笙竽

世說桓子野每聞清

歌輒喚柰何謝公日子

野可謂一往有深情

掃徑真從蔣詡過中筵且爲緩紅螺蜂衙雨促分陰短  
烏几塵埋尺籍多廣漢尙煩頻設鉅陽城盜便廢催科  
薦于一曲千秋業好和樽前定子歌

漢書馮唐傳士卒盡家人子起田中從軍安知尺籍

伍符注李奇曰尺籍所以書軍令

漢書趙廣漢傳

敎吏爲鉅桶及得搢書削其主名而託以爲大姓子  
弟所言其後強宗大族結爲仇讐姦黨散落風族大



改注斲若今受錢臧瓶爲小孔可入而不可出 唐  
書陽城傳賦稅不時可觀察使數詣責州富上考功第  
城自署日撫字心勉力追科政拙考下下 唐書元德  
秀傳元德秀爲魯山令明皇在東都醮五鳳樓下命  
三百里縣令刺史各以聲樂集德秀惟樂工數十人  
聯袂歌于爲于于爲于者德秀所爲歌也帝歎日賢  
人之言哉 李商隱詩檀槽一抹廣陵春  
定子初開睡臉新注定子牛相小青衣

### 壯士

壯士黃皮袴農兵白桿槍原田春輟耒私憤晝爭桑此  
輩好身手臨風念茂良調馴定何術留勇獻明堂

史記吳世家楚邊邑卑梁氏之處女  
與吳邊邑之女爭桑二女家怒相滅

### 颯沓

颯沓戈矛隊囂陵負販徒官符理鹽筴夜火聚萑蒲倉

雀情原急桃蟲說豈誣大農心計在平準此良圖

蘇伯玉妻盤中詩空倉雀常苦飢 史記平準書縣

置均輸鹽鐵官令遠方各以其物貴時商賈所轉販

者為賦而相灌輸置平準

於京師都受天下委輸

### 文墨

文墨操豪吏輕肥到掾僚閑閱三市峻羅綺一春嬌鳧

鳥風舒緩狙公術暮朝白巾驅豈得嚴法想鷹鷂

江淹別賦羅與綺兮嬌上春 後漢書王喬傳為葉

令有神術每朔望詣臺朝帝密令太史伺之有雙鳧

飛來舉網張之得雙鳥乃所賜尚書官屬履也 莊

子齊物論狙公賦芋朝三而暮四眾狙皆怒朝四而

暮三則眾狙皆喜 漢書朱博傳遷琅邪太守齊郡

舒緩養名博新視事右曹掾吏皆移病臥博奮髯抵

几日觀齊兒欲以此為俗耶皆斥罷諸病吏白巾

走出府門 晉書崔洪傳在南為鷄在北為鷹

幻術

幻術沙門秀妖師杜子恭靜輪寧有教斗米遽相從愚  
或須開網嚴應事決癰舊聞循吏治刀劔總歸農

通鑑綱目魏太和五年沙門法秀以妖術惑眾作亂於平城擒之加以籠頭鐵鎖無故自脫魏人穿其頸骨以徇三日而死又晉安帝隆安二年妖人孫泰謀亂伏誅初泰學妖術於杜子恭魏書釋老志出天宮靜輪之法接靜輪或譌作靜論晉書孫恩傳世奉五斗米道史記穰侯傳以天下攻齊如以千金之弩決潰癰也

古詩東王含谿觀察

秉韜

三首

漢廷策賢良拔十每得五經術飾吏事政脩澤亦溥讀  
書緬前哲此事無今古射策占文星分符綰銅虎循良

與儒林兼擅力逾努金馬南迢遙龍堆北可數春陽奄  
多方萬里歸行部肅肅印牀風陰陰黍苗雨始知關西  
楊卽是中牟魯

蜀志龐統傳今拔十得五猶得其半又宋史選舉志  
太宗日朕欲博求俊彥於科場中非敢望拔十得五  
止得一二亦可爲致治之具矣 史記平津侯傳習  
文法吏事而又緣飾以儒術 漢書匡衡傳射策甲  
科 杜甫送李大夫赴廣州詩北風隨爽氣南斗避  
文星 漢書西南夷傳禺同山有碧雞金馬光景時  
時出現 後漢書楊震傳諸儒  
爲之語日關西孔子楊伯起

仁風扇羣動乃自近者始浸假及廣被扶搖徧遐邇淮  
淝沃衍區水土甘以美百里非龐才一麾展高軌桑麻  
楚巖疆井邑如比齒不聞民情感但見民色喜近功異

申韓徵應得妙理，惘惘寸念深。瘡痍萬家起，西湖清且漣。潁尾清且泚，欲知大府心。大府心如此。

蜀志龐統傳魯肅遺先主書曰：龐士元非百里才也，使處治中別駕之任，始當展其驥足耳。南史顏延之傳：乃作五君詠，詠阮咸曰：屢薦不入官，一麾乃出守。後漢書章帝紀：詔曰：安靜之吏，惘惘無華日計，不足月計，有餘。

六籍表素王，大化開扁鑰。淹通始馬鄭，曼衍及濂洛。斯道少真傳，得龕防影掠。名賢起昌期，理窟施椎鑿。引手探天根，揮斤落糟粕。燭龍麗神霄，冥行不愁錯。區裔慙迂儒，書叢坐昏索。張皇得管窺，緒論嘗聞畧。願得壽世言，以作道人鐸。

史記殷本紀司馬貞索隱按素王者太素上皇其道  
 質素故曰素王又劉滄經曲阜城詩三千弟子標青  
 史萬代先生號素王 按馬鄭謂漢學濂洛謂宋學  
 世說張憑勃宰為理窟 荀子儒效篇其愚陋備  
 晉又非十二子篇世俗之溝猶晉儒嚙嚙然不知其  
 所非也楊倞注晉閭也漢書五行志作區晉與此義  
 同

得子白書近主無為州講席賦寄三首

舊雨飜飛恍隔塵東風消息尺書新狂分龍性仍憐我  
 貧說豬肝尙累人斗粟夢寒投筆氣一江花撲轉蓬身  
 巢山芳樹西湖草兩地離悰枉買春

杜甫詩小序臥病長安旅次多雨尋常車馬之客舊  
 雨來今雨不來 高彥休唐闕史丁約謂韋子威曰  
 郎君終當棄俗尙隔兩塵子威曰何謂兩塵對曰儒  
 謂之世釋謂之切道謂之塵 顏延之五君詠詠嵇

康云鸞翮有時鍛龍性誰能馴  
後漢書周黃徐姜申屠列傳序太原閔仲叔客居安邑日買猪肝一片安邑令聞勅吏常給仲叔歎曰閔仲叔豈以口腹累安邑耶遂去  
後漢書班超傳爲官傭書嘗輟業投筆歎曰大丈夫當效傅介子張騫立功異域以取封侯安能久事筆硯間

皋比一座左遷同橐筆生涯笑長公鸞翮未應長硯北  
鴻泥何事又江東書堂山落金庭黛芸帙香招寶晉風  
欲奏陵雲齋屋靜擘牋先試注魚蟲

朱子橫渠贊勇撤皋比謂張子聞二程講易事  
漢書周昌傳高祖曰公強爲吾相趙吾極知其左遷然非公無可者  
漢書張安世傳持橐簪筆  
漢書張釋之傳子摯字長公官至大夫以不能取容當世終身不仕  
江南通志金庭山在巢縣道書第十八福地又無爲州寶晉齋米芾建有晉人碑刻面壁間  
史記司馬相如傳奏大人頌天子大說飄飄有凌雲之氣  
韓愈詩爾雅注蟲魚定非磊落人  
張希復

詩金經  
發莖函

苗緘綢疊訊疏狂鍛羽間身鬢未蒼越石聞雞勞蹴被  
少陵看燕易沾裳弦中白雪泠泠語匣裏蓮花作作芒  
報爾雙魚定遙慰稻孫樓外碧雲長

晉書祖逖傳與司空劉琨俱為司州主簿共被同寢  
中夜聞荒雞鳴蹴琨覺曰此非惡聲也因起舞  
杜甫燕子來舟中作暫語檣邊還起去穿花貼水益霏  
巾李白詩流星白羽腰間插劔花秋蓮光出匣  
史記天官書作鄂歲歲陰在酉星居午以八月與柳  
七星張晨出日為長王作作有芒 江南通志米芾  
登無為州城見田禾問老農曰稻孫也  
稻已穫得雨復抽餘穗芾喜而名其樓

東窗榕塢

瓦釜黃鐘事莫論揚雲蹤跡滯孤村老回白眼評花事



狂脫青衫數酒痕揮去玉龍愁不斷過來金粟道常尊  
一瓊留得扶輪手擬挂詩瓢款塾門

楚辭黃鐘毀棄瓦釜雷鳴

李賀雁門太守行提攜

玉龍爲君死注劍名

李白詩湖州司馬何須問金

粟如來是後身又淨名經義疏梵語維摩詰此云淨  
明那提之子過去成佛號金粟如來

唐詩紀事唐

球爲詩納大瓢中臨沒投  
瓢于江日得者知我苦心

### 劉武穆公祠

八字軍中夜催鼓大斧長刀雜風雨將軍一戰全江淮  
半壁猶存趙家土由來爲功在致死百雉鞬尖擢倒耳  
孤城不守守必完請看太平邊帥子祠屋峩峩老樹枯  
南遷諸將胡爲乎臣力已摧金甲馬君心終畏鐵浮圖

宋史劉錡傳抵順昌金人渝盟來侵軍士皆奮曰平時人欺我八字軍今日當爲國家破敵兀朮至順昌錡募人作間諭曰敵帥問我何如人則曰太平邊帥子圖逸樂耳兀朮喜錡以書約戰兀朮怒日以吾力破爾城直用鞞尖趨倒耳時兀朮乘甲馬兵皆重鎧號鐵浮圖官軍以槍標去其兜牟大斧斷其臂深入斫敵大破之兀朮平日自以爲強者什損七八乃還汴時洪皓在燕密奏順昌之捷金人喪魄欲捐燕以南棄之而王師亟還自失機會良可惜也按順昌卽今潁州府

春日偕止齋南林薄遊勺園看花竹溪留飲觸

緒感懷悵然有作三首

忽忽身從憂患過傷鴻病鶴尙高歌看花淚有千行制  
潑眼春如二月何聽去黃鸝聲睨睨數來元髮影婆娑  
酒悲夢噩羈人事不爲尋芳感已多

李廓落第詩勝前潛  
制淚眾裏自嫌身

松枝塵尾玉絲琴把臂重過舊竹林  
妮客花猶前度好  
傷春情較去年深  
新祠白社留溫李  
夙約青山負向禽  
何處尋巢雙燕子  
綠楊風裏獨沾襟

晉書董京傳至洛陽被髮而行逍遙吟詠常宿白社  
中時乞於市 唐書溫庭筠傳彥博裔孫庭筠與李  
商隱皆有名號溫李 後漢書逸民傳向長字子平  
隱居不仕建武中男女娶嫁既畢勅斷家事勿相關  
與同好北海禽慶俱  
游五嶽按向一作尙

挹香中酒枉年年  
不斷春愁亂似煙  
哀曲漫憑鶯燕訴  
天涯差得友朋憐  
臨風刺促停杯數  
移席丁寧強飯先  
容易韶光二三月  
不妨權喚海棠顛

陸游詩走馬碧雞坊裏  
去被人喚作海棠顛

再柬止齋二首

漫從季主卜前程珍重名園勝日行  
飛絮身符三月柳  
坐花人狎一林鶯事如春夢痕原少  
瑟訴華年調總平  
祇有野情還觸迕白楊蕭颯近清明

史記日者傳司馬季主楚人也卜於東市蘇軾詩  
人似秋鴻來有信事如春夢了無痕李商隱詩錦  
瑟無端五十絃一絃一柱思華年

顛倒從今付化工浪憑讒語託芎藭  
三春未了厭厭病  
百歲拌彎寸寸弓薰陌草曾經野火落  
藩花本任飄風  
景山早擬辭清聖作達新來又一中

蘇軾詩瘦詞聊復託芎藭 韓偓春盡詩年年三月  
病懨懨 蘇軾寄子由詩百年不易滿寸寸彎強弓

江淹別賦陌上草薰 梁書范縝傳竟陵王子良

問曰君不信因果世間何得有富貴貧賤縝曰人生

譬一樹花同發隨風而墮自有拂簾幌墜於茵席之

上自有關籬牆落於糞溷之側墜茵席者殿下是也

落糞溷者下官是也貴賤雖復殊途

因果竟在何處 按景山徐邈字

### 題劉公勛先生遺像

王粲英雄記扶風豪士歌壯懷消七頌奇氣壓三河骨  
肉遺黎盡滄桑浩劫過漁洋交契在詞客謂君何

隋書經籍志漢末英雄記八卷王粲撰 魏書常景

傳景出塞臨瀚海悵然懷古乃擬劉琨扶風歌十二

首 按劉體仁字公勛潁州人所著有七頌堂識小

錄七頌堂詩集 漢書高帝紀悉發關中兵收三河

之士 按漁洋山人 國朝王士

正自號與先生交契詳見其集中

廢宅

明兵部尙書張鶴鳴舊第

萬里長城壞荆梁賊燄張中樞成害馬大老飼封狼廢宅叢蕪草遺墟弔國殤白頭空嚼齒可得並睢陽

南史檀道濟傳道濟被收脫幘投地曰乃壞汝萬里長城明史綱目天啟元年起熊廷弼經畧遼東以張鶴鳴為兵部尙書王化貞與廷弼議不合時鶴鳴力主化貞議凡廷弼所奏請輒從中沮格之二年化貞棄廣益下獄論死鶴鳴亦罷歸崇禎七年賊陷潁州殺故尙書張鶴鳴莊子徐無鬼夫為天下者亦奚以異於牧馬者哉亦去其害馬者而已矣唐書張巡傳子琦謂巡日間公督戰大呼輒皆裂嚼齒皆碎

柳枝詞為人題畫扇五首

一絲浮子水粼粼人對靈和殿裏身二月東風三月雪

江湖也有可憐春

莊綽雞肋編釣絲之半係以荻梗  
謂之浮子視其沒則知魚之中鉤

拂馬藏鴉稱舞臺嫩黃空谷爲誰栽  
蠻腰畢竟還憐影  
幾遍清波自照來

李商隱謹柳詩長時須拂馬密處好藏鴉

白居易詩櫻桃樊素口楊柳小蠻腰

僥倖天隨老釣師芳隄和雨看春姿  
要知出格風神好  
記取初三月上時

柔條不縮短長亭愛對江湖處  
土星終是撩人太無賴  
女兒浦口眼青青

蘇軾跋黔安居士漁父詞才出新婦磯  
又入女兒浦此漁父無乃太瀾浪乎

雨態煙姿隄上稀  
水雲鄉裏獨依依  
堂堂轉眼春如海  
莫又飛花點客衣

趙嘏詩堂堂

又見兩三春

穎州食櫻桃作歌時將南還

汝陰城郭春風中  
千樹萬樹櫻桃紅  
自從花開到結實  
雲錦一片東門東  
珊瑚七尺石家屋  
木難火齊龍王宮  
園丁富貴足與敵  
丹橘楊梅俱下風  
羈人不記含桃節  
謂是鮫人眼中血  
道旁老圃勸嘗新  
玉筋金盤安用設  
筠籃蔥翠炙眼明  
日色晶瑩射光徹  
招指成痕頰玉破  
朶頤入口朱脣裂  
此物由來充土貢  
薦脩典貴春園供



游女青絲挈籠忙，縣官估值緘題重。須知紫禁湛恩深，不索紅塵飛騎鞚。餘者纍纍恣烏鴿，田更野父爭相送。我來汝陰三閱春，年年飽啖風花辰。彷彿東坡荔支戀，不辭長作嶺南人。東飛西飛夢無準，生恐飄風促迴軫。春城十里火珠宮，欲賦將離我何忍。千里蓴羹顧渚茶，吳中鱸膾黃州筍。人生有情非老饕，世眼不知來笑哂。對食蒼茫別緒紛，天涯朋舊惜離羣。此間無限臨歧感，一物區區何足云。

晉書石崇傳王愷以珊瑚樹示崇崇以鐵如意擊碎愷惋惜崇命左右悉取珊瑚樹高三四尺者六七株如愷比者甚眾南越志木難金翅鳥沫所成班固西都賦翡翠翠火齊流耀含英任昉述異記南海

中有鮫人水居如魚不廢機織其眼能泣泣則出珠  
杜甫野人送櫻桃詩金盤玉筋無消息此日嘗新  
任轉蓬 列子黃帝篇禾生伯子范氏之上客宿於  
田更商邱開之舍 蘇軾食荔枝詩日啖荔枝三百  
顆不辭長作嶺南人 唐崔曙有明堂火珠詩 古  
今注牛亨問日將離相別贈以芍藥何也荅日芍藥  
一名可離故相別以爲贈 晉書陸機傳侍中王濟  
指羊酪日卿吳中何以敵此荅日千里蓐羹未下鹽  
豉時人稱爲名對 李肇國史補風俗貴茶名品益  
眾湖州有顧渚之紫筍東川有神泉小團昌明獸目  
晉書張翰傳翰見秋風起乃思吳中菰菜蓴羹鱸  
魚膾日人生貴得適志何能羈宦數千里以邀名爵  
乎遂命駕而歸著首邱賦 蘇軾初到黃  
州詩長江繞郭知魚美好竹連山覺筍香

初夏偕南林止齋出郭泛潁

夜間飛雨聲遠夢生湖湘陵晨出北郭新漲三篙強碧  
潏近搖曳菰蒲生暗香長波走天末匹練紫孤光小艇

繫叢綠招之一葦杭軋軋雙鱗鱗風半塘墟煙起  
汀樹百里何青蒼人影落寒碧鬚眉生薄涼間鷗邇可  
狎游儵或成行我本忘魚鳥魚鳥亦我忘平生湖海志  
風塵坐蒼黃煙波偶乘興有願此一償安得玻瓈水長  
沁冰雪腸印須有我友按拍聽滄浪

華嚴寺

禪薰不逃禪愛遊禪寂地長將妙明心證我澹泊志華  
嚴本法界取以名蕭寺竹塢藏香林杪權滴深翠嘉辰  
款幽關扇啟苔花膩殿角無人聲時間松子墜牆陰閃  
風旛佛鐙晝生穗還叩方丈室道人瓶拂侍習習旃檀

香相看渺無思生天與成佛謝客誰言易初地容襄羊  
胡爲苦蟲臂聊當淨塵襟莫問三車義

楞嚴經性覺妙明本覺明妙又韓駒詩詩如雪竇加  
奇峭禪似雲居更妙明 諸葛亮誠子書非澹泊無  
以明志非空靜無以致遠 華嚴行願品盡法界虛  
空界 世說深公日白旃檀非不馥安能逆風聞  
按謝靈運小字客兒 法苑珠林十地頌日如竹破  
初節餘節速能破得初地真智諸地疾當得 莊子  
大宗師俄而子來有病喘喘然將死妻子環而泣之  
子犁往問之日叱避無怛化倚其戶與之語日偉哉  
造化又將奚以汝爲將奚以汝適以汝爲鼠肝乎以  
汝爲蟲臂乎 法華經譬喻品長者以牛車羊車鹿  
車立門外引諸子出離火宅又釋迦成道記注  
羊車喻聲聞乘鹿車喻緣覺乘牛車喻菩薩乘

酷熱無可遣懷因憶前在樓煩時地處極邊雖

盛夏無纖暑偶拈數詩用志舊游卽以排悶凡

蘇詩卷九首

火雲沓沓汗斑斑無計招涼水石間一種勝游忘不得

半天殘雪雁門山

樓煩漢屬雁門郡盛  
夏山間輒有積雪

往事林胡劫劫灰一州橫扼九邊開深山六月無紈扇

風自飛狐嶺上來

飛狐嶺在雲中  
與樓煩接壤

深深染峪訪騰蘭萬壑千岳一嬾殘記得陰厓風雨黑

古潭無底毒龍寒

樓煩城南萬山環抱中有  
寺名染峪山半有龍池

萬佛祠前古木陰青苔白石洞門深四山老檜無庚甲

化作蒼龍畫一吟

萬佛洞在樓煩西  
郭爲夏日觴詠處

蘆芽山壁峭雲屏禱雨人傳帝子靈誰向九桃梯上立

松花如霰落空青

蘆芽山在樓煩西南山巔有九梳梯太子殿相傳為劉曜子某隱此後仙

去土人遇旱歲於此禱雨奇驗

管涔幽處石梁通大業汾源闕故宮不斷飛泉如白雨

秋聲長在萬山中

山海經管涔之山汾水出焉即在樓煩邑西八十里

鎮朔樓高夜色涼嘯餘閒倚綠沈槍荒荒白月星星火

知是單于牧馬場

鎮朔樓在樓煩城北俯瞰邊牆

衙齋東畔戍旗高日永軍門演六韜怪底寒風生四壁

隔牆人試赫連刀

縣齋毗連戎解其演武處止隔一短垣

但聞征雁不聞蟬卻暑真須飲馬川一丈飈輪如可駕

願拋香國住冰天

注俱見卷一及本詩自注  
不復出例屢見前後倣此

病目行贈甯榕塢明經

富波先生濬冲倫目光閃電爛若銀撐腸拄腹一萬卷  
精氣上逆雙瞳輪日操不律校風雅別裁偽體求其眞  
妍媸到眼辨黑白肯以頑石滄貞珉涇水久混清濁  
蠶叢雜出紛荆榛先生然犀畧轉睫夔臚罔兩愁逡巡  
竭來函書道深闊忽報眼疾經三旬有書插架讀不得  
有酒滿樽無復陳騷壇牛耳苦相屬還餘問字車麟麟  
持緘三復忽拍手絕纓而笑看蒼旻離朱罔象去千載  
元珠誰索嗟沈淪獨撐老眼不顧世此事母乃天公噫

爬羅剔抉太狡獪故遣一著空中塵安籬插障被嘲侮  
盲人瞎馬旁掀脣決明上藥我欲寄損讀古方君速珍  
金龜會見蒙翳括還須鶚視兼鷹隣同儕自足知伯樂  
起疾共助蘭陵春對人且莫判青白女嬃詈爾方申申

後漢書王霸傳注富波縣名屬汝南郡

晉書王戎

傳戎字濬冲裴楷見而目之曰戎眼爛爛如巖下電

蘇軾試院煎茶詩不用撐腸挂腹文字五千卷但

願一甌常及睡足日高時不律見爾雅釋器

晉

書溫嶠傳至牛渚水深不可測世云其下多怪物嶠

遂然犀角照之須臾見水族覆火奇形異狀揚雄

甘泉賦捎夔魑而扶獠狂莊子天地篇黃帝遊於

赤水之上而遺其元珠使離朱索之不得乃使罔象

得之王保定撫言方干與李主簿同酌李有目翳

干改令譏日只見門外著籬未見眼中安障晉書

顧愷之傳桓元與愷之同在仲堪坐復作危語有一

參軍日盲人騎瞎馬臨深池仲堪眇目驚日此太逼



人亦見世說 名醫別錄石決明水漬熨眼頗明

陳與義目疾詩損讀方奇定有功瀛奎律髓注范甯  
武子患目痛求方於張湛湛戲謂此方用損讀書一  
減思慮二專內視三簡外觀四早晚起五夜早眠六  
淫槃經有盲人詣良醫醫卽以金鏡括其眼膜

左思吳都賦鷹瞵鸞視 離騷女嬃之嬋媛兮申

其詈

立秋日任棠村招集白業齋分韻得葉字

金天昨夜行符牒官代祝融傳令捷朝來爽氣如可掬  
一點秋光逗眉睫狂奴蹭蹬百不知頗愛流光玩蕙莢  
已從金谷賦桃李又對西風感紈箠飛轡安能挽兩儀  
澆愁未可無千榼棠村主人雅好事吟社重開延步履  
脩篁映座眼忽明熱酒衝臍氣先怙甌宰紛拏鵝鴨亂

吟腸勃起蛟蛇蟄忽思顯者有前言詩酒嘲予成積習  
無食當謀曼倩粟無家盍叩馮驩鉢人生讀書富貴耳  
此事於人復奚涉我聞斯語心骨悲口不能言以臆答  
王良伯樂今有幾蹇驢嘶路龍媒泣窶人一樂差能償  
縱酒佳辰容蹠蹠韋布留將大雅輪榮枯付與恆河劫  
只愁白社幾人存莫問青衫雙淚溼同儕盡笑我亦醉  
坐看搖落成嗚咽中筵命酌重起舞凍雨紛紛風獵獵  
世人久謂竹林狂我徒慎保名山業明朝酒醒還過從  
試與呼僮掃梧葉

陶穀清異錄廣席多賓必差一人慣習精俊者充甌  
宰使舉職律衆賈誼鵬鳥賦鵬乃歎息舉首奮翼

口不能言  
請對以臆

七夕二首

花掩空庭月射樓  
輕紈良夜數更籌  
極天風露剛殘暑  
異地門闌又早秋  
別院濃香薰睡鴨  
畫屏孤影待牽牛  
無端買得羅睺果  
酒冷宵深起旅愁

李商隱詩 睡鴨香爐換夕薰 溫庭筠七夕詩 畫屏無睡待牽牛 武林舊事七夕前內司例進脩羅睺十桌又寶藏經佛初出家佛子羅睺始入於胎初成道夜生羅睺

做廬東海夢依稀  
樂事猶能記曝衣  
乞巧靈絲爭呪網  
穿鍼彩伴笑停機  
哀蟬落葉家何處  
越鳥巢枝計總非  
苦恨客庭涼似水  
月明看盡鵲南飛

草蟲二首

草蟲何所感淒切晚涼天競響爭蟬後悲秋在客先雨  
中殘漏盡花外一鐙然闔戶誰三歎庭蕪欲化煙

唧唧復唧唧叢蘆徧古城中宵撓客夢大地迸商聲統  
扇離宮淚流黃少婦情琴絲吾欲寫和爾不平鳴

木蘭詩唧唧復唧唧木蘭當戶織 姜夔蟋蟀詞正  
思婦無眠起尋機杼又候館吟秋離宮弔月別有傷  
心無數又寫入琴  
絲一聲聲更苦

寄題亳州吳廣文菊圃四首

何處探奇竹石深焦夷幽地客投簪便開小墪延求點  
絕勝名山訂向禽學圃事關蒼舊福傲霜花見主人心

阿戎正有尋秋興可許扛壺也入林

江南通志亳州古焦夷地

南史何點傳世論以點

爲孝隱士弟允爲小隱士兄求亦隱居吳郡武邱山

蘇軾詩菊殘猶有傲霜枝

段成式詩情願扛壺入醉鄉

萼冷香幽老圃中百弓聞在古譙東分叢寒色千畦爛

送酒霜顏一笑紅此樂有誰爭栗里人間何事怨秋風

雲亭氣爽簾波卷占得疏籬欲惱公

南史陶潛傳江州刺史王宏欲識之不能致潛嘗

往廬山宏令潛故人龐通之於半道栗里要之

去年曾駐小黃鞍大響堂邊野色寒淝水秋情波浩蕩

支園花事雨闌珊茫茫塵劫談周史落落風騷溯建安

珍重舊家池館在薄遊還製切雲冠

漢書地理志陳留郡縣小黃按亳州志云  
即古小黃地又按志載支家園牡丹最盛

遊子風前一惘然半生空眇買山錢并無小築容高臥  
那有籃輿奉暮年夢澤雨絲迷楚苑辟疆秋色斷吳天  
黃花保得餘香好輸爾齋頭老鄭虔

世說王子敬經吳聞顧辟疆有名園先不識主人徑  
往其家 唐書鄭虔傳明皇愛其才置廣文館以虔  
為博  
七

塵鏡

尚有金精氣全虛照膽名江湖憔悴面原不要分明

龍城錄任仲宣蓄一寶鏡文皆篆籀唯人字可識日  
水銀飛精百鍊成鏡 西京雜記咸陽宮鏡能照見

心膽

白菊

霜色全封幹秋心鬱不開一般花潔白終不似南陔

東哲補亡詩循彼南陔言采其蘭又白華朱萼被於  
幽薄按詩小序南陔孝子相戒以養也白華孝子之  
潔白也

秋夜集榕塢齋中分詠明七子拈得王敬夫九  
思

冰山一倚便摧積鄴杜淒涼司馬才近墨可知緇易涅  
擢官誰道福成災元明宮冷南衙閉黃閣書徵北地來  
傳得武功新樂府琵琶賡和各悲哀

明史李夢陽傳與何景明徐禎卿邊貢康海王九思  
王廷相號七才子正德初劉瑾亂政以海同鄉欲招

致之海不往會夢陽下獄書招海日對山救我海乃  
謁瑾瑾大喜釋夢陽踰年瑾敗海坐黨落職九思鄴  
人亦以瑾黨落職謫壽州同知復被論勒致仕海九  
思同里同官同以瑾黨廢每相聚汴東鄆杜間製樂  
造歌曲寄其怫鬱九思嘗學琵琶海搗彈尤善按  
元明宮句謂瑾伏法黃閣書句謂夢陽復起官也

九月自潁南下爲先祖營葬臨發書懷並留別

星社諸友五首

不作佳城計寔爲吳會吟艱難遊子意鄭重老親心愁  
共征車發秋隨落葉深貧傷封墓緩馬足且駸駸

博物志漢滕公夏侯嬰送葬至東郭門外駟馬踣地  
悲鳴掘得石槨銘云佳城鬱鬱三千年見白日于嗟  
滕公居此室乃葬  
斯地謂之馬冢

貧病催親老關心祖澤長一官違執紼千里代封堂雲



物松楸警江山憂患妨數行歧路淚非止感秋霜  
骨肉殊方寄庭闈卻望遙寸心疑去住長路颯風颯雁  
影淮天字龍腥海汊潮酒懷成悶損祖餞枉朋招  
曾聞遠遊樂此地轉蓬根萍水飛星合風騷戰壘存業  
應爭蠹簡名豈藉龍門小別無三月休停別後樽

歷歷南皮憶春秋逸事賒茶香湖上寺酒熟雨中花瞬  
息干場讌蒼黃八月槎吟壇餘劒氣猶作赤城霞

孫綽天台山賦赤  
城霞起而建標

### 發潁州

南北羈樓慣牽衣戀病親關河愁外路眠食夢中身將

子飛鳥影當塗野馬塵汝陰車騎道誰識望雲人

杜甫詩暫止飛鳥將數子頻來語燕定新巢 莊  
子逍遙遊野馬也塵埃也生物之以息相吹也

### 甘城道中有懷

草草離筵柰速何唱驪人已隔星河寒雲作雨迷荆樹  
獨客將愁渡潁波雙屐吟身關吏熟十年知己異鄉多  
瑤華百紙殷勤甚古驛疏鐙被酒歌

漢書儒林傳詔徵王式爲博士博士江公嫉式謂諸  
生日歌驪駒注逸詩曰驪駒在門僕夫具存驪駒在  
路僕夫整駕按詩意  
不過借作送別語

### 早次范家岡

小市晨闔戶清川靜齒沙霧輕常漏日霜薄不成花莖

豆征車會陔蘭客感賒白頭誰倚杖菽水羨山家

正陽二首

楚尾吳頭帶水銜清淮人影落征衫從教壓載詩囊富  
莫問當關候吏饒衰柳不迷長短驛秋雲猶繞去來帆  
八公舊有山中約鴻寶書應寄一函

皖公不向杯中落風物南唐事可哀堅壁將空淮甸守  
習流軍下大梁來漂零青雀陵波隊跳蕩真龍斫笠才  
剩水殘山誰識得紫金峯近讀書臺

陸游南唐書元宗失江北優人李家明獻詩曰皖公  
山縱好不落御觴中按馬合南唐書作回首皖公山  
色翠影斜不到壽杯中堅壁將謂劉仁瞻守壽州  
習流軍謂周世宗疏汴水習水師以伐南唐也王

小語解館詩集注卷四  
三  
傳東都事畧軍士有不用命者太祖奮劍斫其皮笠以識之明日索得數十人斬以徇

江南通志紫金

山在壽州

明王溥廬山讀書臺記南唐

後主李煜嘗從父景徙豫章乃築書堂

### 雙橋集

起伏岡巒勢秋風入畫圖  
草衰山徑闊村斷午煙孤  
觸緒成蕉萃勞形感苑枯  
尚餘登陟興前路指荆塗

### 壽春

莽莽關河霸業消  
千年屏障屬南朝  
山川終古餘兵氣  
草木依然拱麗譙  
桐柏長波雙峽下  
濠梁新雁一行遙  
壯心寥落風塵裏  
看盡平原客射鵰

### 麻傲澗

新月出皋澣陂塘風颯然葉翻千樹露雲動一池天客  
思憐鷗適歸心慕雁先勞勞亭上望若箇占林泉

青龍澗

客有悲秋賦心占卽次爰隄危深澗截山缺溼雲交野  
草藏鷹眼霜風折鶴巢終輪老農樂穩結一重茅

淮河水誌歌

淮源桐柏伏流始三十里出大復山信息光固逮霍頴  
荆塗峽束爲重關所挾支水七十二漸積漸旺成潺湲  
下游直達五河界盱眙洪澤滙怒瀾國家藉淮刷河濁  
濟運首在清流安濠州上下設水誌丈尺增損晨昏看

治河使者相度審豫測消長資防閑湖隄旣束清口暢  
轉漕成效何班班頗聞杞憂抱父老扼淮於上如激湍  
在山在顙隱害切此地未免爲魚患誌椿區區詎足恃  
盍興力役告長官築隄盡沿鳳壽境約淮下注清黃寬  
淮流朝宗免橫溢清力亦不虞其孱更增壩閘講宣節  
貽憂豈到邗溝間書生好事愛妄議此語或者非欺謾  
會逢解人決可否不憚放筆言調瀾

淮水源流詳水經注餘詳  
河防一覽行水金鑑等書

### 定遠靖南侯祠

將星一夜大營流誰使金輿出石頭只有王琳能死國

更無章粲與同仇降旗青蓋終朝洛故將油幢盡列侯  
留得尙書祠墓在陰陵東畔是揚州

南史王琳傳琳初率江廣兵入援江陵江陵不守建  
康改禪奉永嘉立之永嘉兵敗又與入齊以圖興復  
及陳攻克壽陽琳死之田父野叟聞琳死皆流涕  
南史章粲傳柳仲禮令粲頓青塘當石頭中路時昏  
霧失道侯景率銳卒來攻軍敗左右牽粲避賊粲不  
動遂遇害 吳志孫皓傳載其母妻子及後宮數千  
人從牛渚陸道西上云青蓋入洛陽  
尙書指史閣部靖南侯黃得功也

抵家日甫解裝責逋者踵至賓座常滿口占絕  
句自嘲二首

恍惚羌村一櫂迴此間避債更無臺笑他立滿牆頭客  
不爲詩人問訊來

杜甫羌村詩柴門烏雀噪歸客千里至又鄰人滿牆頭感歎亦獻歛  
漢書諸侯王表周有逃責之臺服虔注周赧王負責乃逃此臺  
劉德法洛陽南宮諺臺是也

朱提傅別苦爭衡負卻龍山載酒行畢竟秋懷忘不得  
重陽風雨又詩成

漢書食貨志朱提銀重八兩爲一流注朱提縣屬犍爲出善銀集韻提市之切周禮天官小宰聽稱責以傅別注鄭日爲大手書於一札中字別之晉書孟嘉傳爲桓溫參軍九日遊龍山僚屬畢集風吹嘉帽落釋惠洪冷齋夜話黃州潘大臨工詩謝無逸以書問有新作否潘荅日昨聞風雨攪林起題壁日滿城風雨近重陽忽催租人至遂敗意止此一句奉寄

偶感三首

學海詞源一笑譁牛蹠泔水各爭誇眼前不識崑崙路



卻向龍門羨浪花

河出崑崙虛

見爾雅釋水

膩香賸粉傅天魔學得新眉樣幾多猶有漢宮人未老  
炫妝休便鬪雙蛾

談藝人人圭臬同詞場只合謝癡聾無端饒得豐干舌  
醕酒三升誤乃公

五燈會元太守閻邱允問天台有何賢聖豐干師曰  
國清寺有寒山文殊拾得普賢閻邱至二人方談笑  
遽作禮二人拍手曰  
豐干饒舌遂馳去

冬日寓吳門沈氏懷雲亭病中雜詩六首

意行力并怯嬾軀革帶腰圍日日寬特遣詩腸諳藥餌

仍留孱骨耐饑寒棲烏叫月扶牀聽黠鼠窺鐙倚枕看  
我是維摩安丈室不妨黃面對蒲團

蘇軾詩意行信步無溝坑 司馬相如子虛賦嬖姁

敦宰上乎金隄 維摩詰經方便品維摩詰以如是

等無量方便饒益眾生其以方便現身有疾因以身

疾廣爲說法又不思議品舍利弗來見其室中無有

牀坐維摩見神通力須彌燈王遣三萬人干獅子座

來入維摩丈室又西域傳唐顯慶中敕使王元策因

向印度過淨名宅以笏量基止有十笏故號方丈之

室 楊萬里蠟梅詩渠獨少參黃面老額間炤炤發

金

光

生怕商飈肌粟侵鴨爐  
棐几畫簾深裏糧未見  
高朋問灼艾渾憐弱妹  
心撥悶詩書勝藥石  
避人衾枕卽山林  
病夫尙有悲秋志  
莫遣高城急暮砧

宋史太祖紀太宗常病亟帝往視之  
親爲灼艾太宗覺痛帝亦取艾自灸

隱囊塵尾自摩抄藻帳瓊瑜噩夢多豈爲吳門看匹練  
卻教楚客染沈疴文奇那得逢枚叔疴作眞須學趙羅  
一笑風灾原不屈四禪天本未經過

王充論衡顏淵與孔子俱上魯太山孔子東南望吳  
闔門外有繫白馬引顏淵指以示之日若見吳闔門  
平日見之孔子日門外何有日有如繫練之狀孔子  
撫其目而止之因與俱下顏淵髮白齒落精華竭盡  
枚乘七發楚太子有疾而吳客往問之又於是太  
子據几而起日渙乎若一聽聖人辨士之言泯然汗  
出霍然病已趙羅疴作而伏見左哀二年傳法  
苑珠林若據火劫卽是初禪若約水却是其二禪若  
約風却是其三禪翻譯名義集四禪九天一無雲  
下之三禪皆依雲住四禪方在空居俱勝福力方得

生往

攬鏡眞成太瘦生人間貧病一時嬰直愁占歲逢辰巳  
何暇登山間癸庚執古衙推爭六疾疑神巫史祝三彭  
支牀賸覺仙梯近已是身如辟穀輕

孟檠本事詩李白戲杜日飯穎山頭逢杜甫頭戴笠  
子日車午借問別來太瘦生總爲從前作詩苦後  
漢鄭元傳自乞還家夢孔子告之日起起今年歲在  
辰明年歲在巳章懷注歲在龍蛇賢人嗟呼庚癸  
見左哀十三年傳老學庵筆記北方人  
市醫皆稱衙推六疾見左昭元年傳

猛氣猶思射獵場錦繚鷹隼綠沈槍鳴聲風叫平原箭  
麀血鐙行毳幕觴馬上少年雄袴褶車中新婦笑積唐  
垂頭未免書生態只解詩吟段子璋

梁書曹景宗傳謂所親曰我昔鄉里騎快馬如龍與  
年少輩數十騎拓弓弦乍霹靂聲箭如餓鴟叫平澤

中逐麀數肋射之渴飲其血饑食其肉甜如甘露漿  
覺耳後風生鼻端出火今來揚州作貴人動轉不得  
閉置車中如三日新婦遭此邑邑使人無氣 齊書  
輿服志袴褶車駕卽戎中外纂嚴所服 古今詩話  
有患瘧者子美云誦吾詩可治乃令誦子璋  
髑髏血模糊手提擲還崔大夫句病果愈

甲第君雲萬瓦聯養痾莊好借平泉獻文成室人猶在  
翟尉題門事可憐畢竟瓜廬容一士幾曾梓澤占千年  
聲聲牛蟻曹騰裏多事間愁觸處傳

史記汲鄭傳始翟公爲廷尉賓客填門及廢門外可  
設雀羅翟公復爲廷尉賓客欲往翟公乃大署其門  
日一死一生乃知交情一貧一富乃知交態一貴一  
賤交情乃見 晉書殷仲堪傳父嘗患耳聰聞牀下  
蟻動謂  
之牛鬪

病間將之潁州適將子白自無爲輟講歸相遇

吳門驩然道故走筆成絕句五首兼以留別

天涯蓬轉兩塵顏短笛長亭柳慣攀一笑銜杯渾不信  
相逢也許在鄉關

病夫眞作可憐蟲枯木寒蟬訝許同特地陽回寒谷暖  
故人消息勝春風

樂府解題古企喻辭男兒可憐蟲出門懷死憂  
選魏都賦注引劉向別錄燕有寒谷鄉衍吹律溫氣  
乃至

推牀走迓茂先來裂月撐霆八斗才卻恐病魔無處避

錦囊新句莫輕開

晉書張華傳字茂先 司空圖與王  
駕評詩書撐霆裂月劫作者之肝脾

濡江纔返子猷船我又淮山待著鞭自是要留旬日作  
如何翻贈辦裝錢

廬州府志濡須塢在巢縣

孟浩然詩興發子猷船

千里誰憐土硬身御風兩腳轉車輪不如燒作勞薪用  
猶有當場識苦人

戰國策臣過淄上有土偶人與桃梗相與語桃梗謂  
土偶日子西岸之土也挺子以爲人至歲八月降雨  
下淄水至則汝殘矣土偶日不然吾西岸之土也土  
則復西岸耳今子東國之桃梗也刻削子以爲人降  
雨下淄水至流子而去  
則子漂漂者將如何耳

題蒲餘小草爲許儼瓊女史作三首

朱鳥窗前憶左芬縹緗猶帶硯漪雲藥花臺已三臺寫

紗幔香應一瓣焚眼底纖兒空弄筆近來孃子總能軍  
紅閨勞我薑芽手鈔向蠻牋教細君

徐陵玉臺新詠序朱鳥窗前新妝已竟

晉書左貴

嬪傳左貴嬪名芬好學善綴文名亞於兄思

玉臺

新詠序清文滿篋非惟芍藥之花又三臺妙迹龍伸  
蠖屈之書

玉臺新詠序於是然脂暝寫弄筆晨書

劉禹錫

詩柳家新樣元和腳且盡薑芽斂手徒

漢書東方

朔傳朔日拔劍割肉亦何

壯也歸遺細君又何仁也

人世華胥夢偶然班姬悲憤感中年到來塵海原多事  
便落罡風豈礙仙香茗地傳千首賦飛瓊天締一家緣  
何須更問青絲帳靜與霜娥鬪月圓

按鮑昭妹有香茗賦 桓譚新論子雲日能讀千首  
賦卽善爲之矣 古今詩話元載寵薛瑤英處以金



絲帳按詩意似用謝道  
蘊青綾步障事見卷一

玉釵鐫字擺琅玕手盥薔薇展夜闌卷裏秋心驚瘦削  
竹邊人影想高寒才堪造福卿能壽世可逃名我未拌  
多少文章悲覆瓿然脂振觸幾回看

漢書揚雄傳贊侯芭常從雄受大元劉歆亦嘗觀之  
謂雄日空自苦今學者有祿利然尚不能明易又如  
元何吾恐後人  
用覆醬瓿也

五更大風舟出丹徒聞渡江寄吳門沈中立

培

病軀如舟一葉輕白波如山千丈迎江風五夜發光怪  
欲送人舟擲天外黃頭兒郎亂身手鐵鹿長檣出江口  
放溜一箭穿飛梭振舵三髯運跟肘船頭入水水人立

波面浮山山倒走扁舟不兀亦不頗兩舷無乃蛟龍守  
 須臾扶桑旭影紅朝霞十丈磨青銅推篷絕叫海門近  
 天地眩轉雲濤中平生快意那有此破浪宗生等間耳  
 委身窮薄輕江潭蘇公未免憂生死隱侯卻憶書堂夜  
 小院閉門霜霰下乘槎尙有同志人萬里天風請齊駕

古樂府長檣鐵鹿子布帆阿那起 蘇軾自金山放

船至焦山詩同遊盡返決獨往賦命窮薄輕江潭

南史沈約傳封建昌侯諡曰隱孟

浩然詩何必東南守空傳沈隱侯

定遠道中述懷

曉行月在西夜行月在東征人亦何幸與月相始終卻  
 登曲陽城還顧譙郡宮淮山肖淮水蜿蜒拖長虹霸業

登曲陽坊遺履詩  
一朝盡漁樵老英雄陰陵連大澤一氣寒濛濛所嗟好  
林壑長在客路中居者樂不識行人羨又空青山安可  
買望望悲途窮

鳳陽府志亳州春秋譙邑有流星圍誕老子處太  
清樓宋眞宗建以祀老子又有魏文帝大饗堂

雨中曉發北盧橋

昨宵月離畢雨兆占五行詩人不信象緯術傲氣愛與  
天公爭曉聞霹靂呼起起急飭平頭戒行李生年窮薄  
分泥塗垂堂敢例千金子五更朔氣厲似刀野色瘳瘳  
寒生毛淒然涼雨掠塵面軒眉直共西風塵璫瑜溼盡  
天未曙苦竹雲陰渺何處依稀辨是古墓門白楊如人

鬼相語疲驢短策滑屢倒心竊悔之奴僕笑主人讀書  
徧墳典未讀天官書一卷

司馬相如諫獵書故鄙諺日家累  
千金坐不垂堂 史記有天官書

颺輪三首

以下俱乙  
卯歲補作

颺輪蕩晝影白日無停光雨落不上天安能知去鄉人  
生有徂謝物化理無常一訣異幽顯盜論彭與殤笠穿  
畏風露衣薄愁冰霜嘉木失故蔭庭草萎以黃此心固  
匪石何以當存亡

呦呦中原鹿銜草哺其麕猿狖失所生悲風終夜嘶天  
倫有至性報復理宜齊仲堅負米志參出蒸黎妻平居

慕陔華數盡恨自齋送死具牲鼎豈如餐霍藜明鐙耿  
長幔慘月臨前題何幸空桑生悠悠無所悽

家語七十二弟子解參後母過之無恩而供養不衰  
及其妻以梨蒸不熟因出之 呂氏春秋有佻氏女

子採桑得嬰兒  
於空桑之中

閉門不療饑拔劔看四壁丈夫身無家舟車作田宅朝  
行長安城暮宿洛陽陌梳梳飛旅塵元髮潛變白遵渚  
溯歸鴻巢林睇遙翮於人獨無希惻怛傷行役

孟郊長安羈旅詩十日  
一理髮每梳飛旅塵

東亳州李刺史時奉諱後辱厚贖並以志感四

首

千騎東方指上游  
盧龍詞客鎮雄州  
地交嵩洛風清野  
旆卷淮淝筆寫秋  
斷碣饗堂搜鵠隸  
部民參政拜魚頭  
循良傳又兼文苑  
此事贏他郭細侯

古羅敷行東方千餘騎夫婿居上頭  
宋史魯宗道傳  
亳州人拜參知政事舉朝憚之目爲魚頭參政  
後漢書郭伋傳字細侯

濯龍祠廟望觚稜  
省識清香燕寢凝  
詩鉢韻催鈴閣月  
酒旗星閃射堂鐙  
玉驄行部看山便  
彩筆分花判牘能  
鄴下風流建安格  
使君端合長譙陵

後漢書許揚傳成帝時翟方進奏毀鴻御陂太守鄧晨欲脩復之聞揚善水脉召與議之揚曰昔成帝用方進言自夢天帝怒曰何故壞我濯龍淵  
韋應物詩兵衛森畫戟燕寢凝清香  
晉書羊祜傳鈴閣之

下侍衛不過數十人 魏書張淵傳觀象賦酒旗  
醕醪之旌注酒旗天設置酒官爲飲燕之事 庾信

春賦分朋  
入射堂

腸斷皋魚百事灰麥舟真仗故人哀生芻一束停車奠

重幣雙緘掣淚開求熱我曾羞乞火恤孤君自託憐才

從知萬丈香山被尙許間人分暖來

冷齋夜話范文正公子堯夫至姑蘇取麥五百斛文

正日東吳見故舊乎日曼卿爲三喪未舉方滯舟丹

陽公日何不以麥舟與之堯夫日已付之矣 後漢

書徐穉傳郭林宗有母憂穉往弔之置生芻一束而

去眾怪不知林宗日此必南州高士徐孺子也詩不

云平生芻一束其人如玉吾無德以當之 漢書蒯

通傳故里母非談說之士也東縉乞火非還婦之道

也然物有相感事有適可按詩意只用梁鴻減竈事

乞火二字借用 白居易詩安得

大裘長萬丈與君都蓋洛陽人

承蓋扶輪契分新愁將詞筆訴窮塵百年池館鶯花節  
八口關河涕淚身風急疏林無靜樹月明西邸有留賓  
小黃園角春如海可覺樽前少一人

南史梁武帝紀竟陵王子良開西邸招文學

東裴立齋并道別二首

騷壇記得醉飛觥跌宕曾傳作達名豈有下才工論古  
不妨狂態偶談兵遭逢隔歲分哀樂骨肉新年判死生  
寄謝河東賢刺史唾壺敲缺久無聲  
聲聲杜宇促征輪落絮風前自愴神孤客負身兼負世  
扁舟歸骨亦歸人三秋鷗鷺盟難續廿載陔蘭話未真



迴望白雲成一哭使君還是彩衣身

立齋封公尙在

題立齋春暉圖障子

使君家傳理縣譜遇民如兒民曰父使君有澤本如春  
一片晴暉暖編戶人人嚴君視使君誰知君亦孺子身  
怡然色養門闥內藹如萬點風花春離離短幅開林麓  
杉影岳光雨初沐依約高陽撰杖人太邱冲澹元方肅  
綠瞳蒼鬢光炯然梅尉元是陽和仙使君腰笏旁挽睫  
紛紅駭綠花芊綿人世推遷成薄相弓冶箕裘視所尙  
已看慙長復慙卿教諂頭還觸屏障豈如清白遺子孫  
鼎鐘能養宗能亢經生退步有雲泉白髮青山兩無恙

紫霧烘林媚煙篠此樂如君古今少吁嗟乎塵世紛紛  
負米徒陔華夢斷青春孤人間難得惟此圖春暉春暉  
何處無

南史傅炎傳爲山陰令父子並著奇績時云諸傳有  
理縣譜 夏侯太初樂毅論我澤如春下應如草

後漢書荀淑傳穎陰令苑康以爲高陽有才子八人  
今荀氏亦有八子故改其里曰高陽里 後漢書陳

紀傳字元方弟諶字季方父子齊名時號三君子羣  
爲魏司空天下以爲公慙卿卿慙長按公謂羣卿謂

紀長謂紀父實爲太邱長 洪邁容齋四筆杜詩有  
野望因過常少仙一篇注曰少仙應是言縣尉也縣

尉謂之少府而梅福爲尉有神仙之稱少仙二字尤  
清雅 漢書陳萬年傳子咸數言事譏近臣萬年召

咸戒於牀下語至夜半咸睡頭觸屏風萬年大怒咸  
曰具曉所言大要教咸諂也 後漢書楊震傳性公

廉不受私謁或欲令爲開產業震不肯日使後世稱  
爲清白吏子孫以此遺之不亦厚乎 孟郊遊子吟

誰言寸草心  
報得三春暉

### 別榕塢

古人如鬣波一去何浩浩今人企前躅如眼不見腦大  
雅紛荆蕪吟蛩噪叢草蟬鳴詎無響聲作神已槁能者  
挺其間鳳皇展秋顛巨靈闢蠶叢奇境出天造憶予識  
之無耽詩自襁褓逮乎舞象年騷雅費搜討詩成頗違  
俗半信不自保索解鮮離朱往往誤白阜前年泛淮舟  
潁水清可澡獲遇汝南賢希蹤讓西老詞壇開鼓旗學  
海峙羣島予也蝨其間不律隨眾掃未甘就邾莒竊願  
幾豐鎬謂予才如玉去類便成寶謂予筆如弩餘力猶

穿縞直以樗散材珍重視合抱雅志感知音偷閒示行  
藁博君別裁手指我周行道甲乙分標題高下恣品藻  
譬彼老農夫芟茜獨存稻黃金揀沙礫名錦燦新綵繆  
謂一柱砥足障狂瀾倒審樂夔襄存識君苦不早君言  
我爲詩與俗殊美好久貽眾人譏嘲罵口爲燥今子勉  
自持除田須擊莫毋爲求媚世中道返車轍大海吹浮  
萍驚風轉蓬葆豪吟罷烏烏百慮憐燥燥雲龍一相失  
揮淚看穹昊願養垂天翼勿爲處禪蚤榮枯境何常名  
在抵壽考學人貴本原易涸笑秋潦莫博今人喜求爲  
後人禱澄清東門波慘澹春日杲勉旃冰雪心兩地同

皜皜

張衡西京賦薛綜注華山名也巨靈河神也古語云  
此本一山當河水過之而曲行河之神以手擘開其  
上足踣離其下中分爲二以通河流李白蜀道難  
蠶叢及魚鳧開國何茫然唐書白居易傳始生七  
月能展書姆指之無兩字雖試百數不差韓愈灋  
吏詩得無蝨其間不武亦不文淮南子汜論訓明  
月之珠不能無類戰國策强弩之末不能穿魯縞  
齊語及寒擊菓除田以待時耕注菓枯草也晉  
書阮籍傳君子之處域中何異夫蝨之處禪中乎

別止齋

讀書必求官學道必謀食豈曰非人情亦復非潛德居  
恆慕古風竹素恣遊息至道有真味浮榮安足弋抱經  
獨尙元知白貴守黑要當義勝肥陋彼食肉墨以此博

利名轅南而轍北世人肆嘲談我意迄不惑猗彼青門  
士幽芳秀孤特衙官攝屈宋駭汗走籍湜著書不問世  
藜藿有怡色蓬華足千秋吾自盡吾職男兒不貧賤學  
問無心得金石三年交兩兩見胸臆豈知同岑落忽作  
分飛翼去路多荆榛脩途恐茅塞叢殘一片心世短苦  
日昃才俊爭交馳希榮矜篆刻但工鞶帨繡安問道風  
熄自計獨何愚戚戚搜蠹蝕素心更何人此意誰能識  
名山與金紫相去實萬億士固各有志胡爲自摧抑幽  
光不久藏靈氣肯終匿保此平生心以爲學人則記此  
臨別言以爲異時憶

老子知其白守其黑爲天下式 淮南子原道訓子  
夏見曾子一臞一肥曾子問其故曰出見富貴之樂  
而欲之人見先王之道又悅之兩者心戰故臞先王  
之道勝故肥 肉食者無墨見左哀十三年傳 荀  
悅申鑿先民有言適楚而北轅者吾馬良用多御善  
此三者益侈其去楚亦遠矣 唐書杜審言傳嘗曰  
吾文章當得屈宋作衙官 蘇軾潮州韓文公廟碑  
汗流籍湜走且僵 郭璞贈溫嶠詩及爾臭味異苔  
同岑 揚子法言吾子篇或問吾子少而好賦曰然  
童子雕蟲篆刻俄而曰壯夫不爲也又寡見篇今之  
學也非獨爲之華藻又從而繡其輦輓又梁書劉勰  
傳去聖久遠文體皆散辭人愛奇言貴浮詭飾羽尙  
畫文繡輦輓離本  
彌甚將遂譎濫

### 別秋坪二首

白業留賓夜青鐙餞別筵論心憂患裏雪涕酒樽前荆  
棘生年百風波去路千院花無別苦猶作往時妍

萍梗原無著勞生分苦辛途窮誰地主道合卽天親慎  
保青門業毋忘白社人出門蕭艾夥珍重萑蘭身

按白業南林齋名 離騷戶服  
艾以盈要兮謂幽蘭其不可佩

### 別南林二首

誰擅花間句金荃妙獨開老堅求道志病鍊著書才會  
短觴行促歌長筑韻哀晚香秋圃在飛夢會重來

陳直齋書錄解題花間集爲倚聲之祖 歐  
陽炯花間集序近代溫飛卿復有金荃集

扁舟載孤寡一櫂下煙波滿眼存亡淚三聲疊拍歌去  
應憐處索生已悔情多省識看花叟年來髣髴

### 別西厓



別西月  
俶儻子華子悲涼送遠吟才難傷別易詩苦見交深窮  
達非吾事風騷勉此心更休談骨相腹本欠三壬

隋書經籍志子華子程本誤  
魏志管輅傳吾背無三甲腹無三壬皆不壽之相

### 別竹溪

五畝藏春塢三年畫壁痕社隨鴻爪散愁與落花論風  
水羈魂惡雲泉處土尊別來煙月夜清酒爲誰溫

蘇軾詩藏春塢裏鶯花闌仁壽橋邊日月長 薛用

弱集異記王昌齡高適王之渙齊名共詣旗亭小飲

有伶官妙伎輩續至昌齡等私相約視諸伶所謳若

詩入歌多者爲優俄一伶唱寒雨連江夜入吳詩昌

齡題壁日一絕句又一伶謳奉帚平明詩昌齡又畫壁日二

日一絕句又一伶謳奉帚平明詩昌齡又畫壁日二

絕句之渙指妓最佳者日此子所唱如非我詩卽終

身不敢爭衡矣須臾雙鬢發聲謳黃河遠上白雲間

詩之渙椰榆二子曰  
田舍奴我豈妄哉

### 別棠村

彥昇才調元方弟拓戟狂歌憶舊歡  
壽世文留風雅在少年交得性情難  
花天驪唱愁三疊家事羊腸有百盤  
此後懷人詩定好寄聲爲我寫烏闌

南史任昉傳字彥昇 胡仔茗溪漁隱叢話余嘗有  
詩日壯圖鵬翼九萬里末路羊腸百人盤蓋言老而  
多艱耳

### 別郝瀛波

溶

銀燭清樽鬪夜闌離愁差付酒腸寬  
伯鸞竟要因人熱范叔誰憐倍我寒  
過漢星蹤留影少賣文生計閉關難

汗青心事飛蓬鬢兩地騷情一種看

史記范雎列傳須賈意哀之留與坐飲食

日范叔一寒如此哉乃取一綈袍賜之

去潁州日諸友畢集河干相送小飲新渡寺登

舟後寄懷子白并寄星社同人

時子白復主講清潁書院

離雲茫茫客罷酒送我顛厓峭帆走蒼然暮色無一言  
不敢回頭只揮手故人不及石尤風能絆行舟客路中  
故人卻似初弦月清輝雖沈情未歇張君意氣如水澄  
才筆健傲秋空鷹雲龍會合花前酒風雨論心夜半鐙  
一片冰壺兩相映好古雄談出天性時時共被聽鳴雞  
蹴起開門北風勁齋室牕無十笏寬瀾翻腹有千秋鏡

參橫斗轉各蒼茫，劍鏢蓮花電光迸。從此扶輪推大雅。

聚星堂畔開星社，儕輩分標白雪篇。新詩盡入紅爐冶。

甯任兄弟元季儔

謂榕塢止齋及秋坪棠村昆季

吏部清門竹石幽

謂竹

溪竹溪爲公勳先生後

程本文章郝隆腹

謂西厓瀛波

同方合志兼元

劉謂南林沙村

數子詞源何濔濔，文昌樂府尤豪蕩。兩瀆東

西共瓣香，一軍南北爭雄長。百寶花闌鸚鵡杯，玻璃秋

水芙蓉粲分箋，片片雲霞飛落紙。琅琅唾壺響，顧我才

慙下水船黃金虛，牝擲年年囊書躑躅慵。干世呵壁荒

唐罷問天臭味苔，岑合有數壽陵遂學邯鄲步。木葉亭

皋柳惲詞東風芍藥王筠賦，三年壇列鸛鵝羣。旗鼓江

與我共君只說榷樽老花月那知離散有風雲鳥聲中  
夜唳煙柏青詞不救黃楊厄天涯望室棘心枯遠道麻  
衣柳車迫拭涕愁編粟里年娛親夢斷東山屐采蘭平  
日讀南陔補盡亡詩竟何益河梁悵望各淒酸潮落篷  
低蘆荻寒絕似荆卿辭易水白衣人盡髮衝冠亦知離  
別人生事但愁華鬢星星易空谷吾安樗散材青雲爾  
慎干將器丈夫且莫求田宅天下蒼生望安石丈夫不  
必定侯封李蔡爲人居下中只此輪囷心一片風塵壓  
倒宣明面千間廣廈萬家裘留與他時作佳傳潁尾州  
來放櫂行長天寥濶雁孤征落花飛絮傷離意宰樹呼

風飲血情此後西湖誰健者諸君碧盞應重瀉臨觴記

否茹茶人擊楫歌殘淚盈把

樂府丁都護歌願作石尤風四面斷行旅按江湖紀

聞石氏女嫁為尤郎婦尤遠商妻憶之病臨亡日恨

不能阻其行今凡有商旅遠行吾將作大風阻之自

後商旅值打頭逆風日此石尤風也世說郝隆七

月七日出日中仰臥人問之荅曰我晒書王定保

摭言唐裴延裕在內廷文書敏捷號為下水船韓

愈贈崔立之詩可憐無益費精神有似黃金擲虛牝

屈原天問見楚有先王之廟及公卿祠堂仰見圖

畫因書其壁呵而問之以渫憤懣莊子秋水篇子  
獨不聞壽陵餘子之學行於邯鄲歟未得國能又失  
其故行矣梁書柳惲傳少工篇什始為詩日亭皋  
木葉下隴首秋雲飛琅琊王元長見而歎賞因書齋  
壁南史王筠傳年十六為芍藥賦詞甚美鶴鶴  
見左昭二十一年傳魏志管輅傳注子春日吾自  
欲與卿旗鼓相當李肇翰林志凡道觀薦青詞文  
用青籐紙朱字謂之青詞荆卿見戰國策杜甫

詩鄭公禔散髻成絲

唐書李邕傳盧藏用嘗謂

如干將莫邪難與爭鋒但虞傷缺耳又世說陳仲舉

日周子居治國之器世之干將

晉書謝安傳諸人

相與言安石不出將如蒼生何

漢書李廣傳從弟

李蔡封樂安侯蔡爲人在下中名聲出廣下遠甚然

廣不得爵邑官不過九卿

南史劉穆之孫瑀傳瑀

與顏竣書曰朱脩之三

世叛兵一旦居荊州青油幕

下作謝宣明面見向

晉書陳壽傳丁儀丁廙有盛

名於魏壽謂其子曰可覓千斛米見與當

爲尊公作佳傳了不與之竟不爲立傳

### 舟中寄別劉汾村

飯顆山頭夜鑰破誰竊殘膏爲咳唾風嘲月弄天汝憎

罰作經生受寒餓經生事業亦何有才高不副時人口

獨抱嶽嵒磊塊胸故紙堆中作鯨吼古來錢刀可致身

曷不學作桑孔坐致金千鈞况聞老氏貴守拙和光處

世同其塵何為蓋鹽自束縛鸞翮雖鍛龍性終難馴干  
言絕交書一篇酒德頌此是卿家孝標與伯倫勘破浮  
生付醯甕今君毋乃率祖風白眼高撐飲須痛惜我萍  
蹤如轉轂來何草草歸何速伏處君方仰屋梁鳴榱我  
自悲風木瀕行半面天亦慳不許臨歧成一哭去去高  
歌泣鬼神此君應不悔長貧請將感逝傷離句寄我愁  
風愁水人

劉克莊詩向舒自是堪王佐桑孔安知富大農按桑  
孔謂桑宏羊孔僅見史記平準書 老子塞其兌閉

其門挫其銳解其紛和其光同其塵是謂元同 按  
劉峻字孝標有絕交論劉伶字伯倫有酒德頌 范

成大憎蚊詩蠓惟舞  
醯甕蟬止崇書帙



遷居詩六首

并序

乾隆四十二年子甫九歲隨先君子赴寧武五十二年  
歸越四年隨之潁州五十九年奉諱後又歸所遺積逋  
以千百計薄田二頃盡去之不足以償因并所居棄之  
別營破屋於城南居焉庶少安乎而飢來驅人少定又  
當求食數百里外作遷居詩六章俯仰今昔既自慰還  
以自嗟云

關風伏雨夜茫茫  
八口移家上野航  
五畝園廛拋栗里  
十年封券了巾箱  
可能春藿長充膳  
畧換秋茅好拒霜  
盼到紙窗蘿屋底  
一門團話小滄桑

杜甫秋雨歎關風伏雨秋茫茫  
趙次公注關珊之風沉伏之雨

回首清門局已更春蠶食指費支撐  
拋殘馬邑龍堆夢  
愧煞麟兒驥子名百歲竟將陔養負一區  
平與寢邱爭  
團團但說移居好莫溯前因引淚傾

劉長卿詩馬邑龍沙路幾千  
杜甫得家書詩熊兒

幸無恙驥子最憐渠又詩天上麒麟兒  
史記滑稽

傳楚莊王召孫叔

敖子封之寢邱

刪除馬券兼驢券整頓禽經與鶴經  
遺澤敢忘通德里  
翦茨也算草元亭風拌黃檗吹籬苦  
雨好青楊夾巷聽  
莫訝步兵工作達年來噩夢此纔醒

後漢書鄭康成傳國相孔融告高密縣日矧乃鄭公  
之德而無駟牡之路可廣開門衢合容高車號為通

德門 古樂府風吹  
黃檗藩惡聞苦籬聲

安排藥裹與書籤里女窺門鵲噪簷放鶴秋風剛四起  
種魚池水恰平添西堂撲棗僮能恕別院分花我不廉  
第一稱心沽酒易出門三步有青帘

杜甫詩堂前  
撲棗任西鄰

椎髻蓬頭作一家子山新賦劇堪誇便應白板常支戶  
豈厭青門老種瓜菜把有心居地主楊花無蒂易天涯  
端居妬煞牆東叟坐倚柴關數暮鴉

庾信小園賦蓬頭黃霸之子椎髻梁鴻之妻 王維  
詩雞鳴白板扉 杜甫詩清晨送菜把常荷地主恩  
周景水龍吟詞春更無  
情拋人先去楊花無蒂

士衡賸有三間屋魯望曾無一稜田  
髮乍梳憐弟弱  
征衣頻理累妻賢秋燈小幕離堂酒煙雨垂楊別浦船  
後夜吟魂定何在寒天脩竹暮雲邊

世說陸機兄弟住參佐廨三間士龍住東頭  
士衡住西頭 陸龜蒙詩我本曾無一稜田

小謨觴館詩集注卷四終

小謨觴館詩集注卷第五

錢唐孫

元培

長熙

纂輯

傭書集一

乙卯迄丙辰

昔樊南祭姊文云衣裳外除旨甘是急乃占數東甸傭書販春子自丁閔凶衣食驅遣始客京口繼客楚州誠有如樊南所云旣耐故邱便同逋駭者賓館淒清波路壯濶苦蟲寒鶴時復一呻爰取傭書以名是集凡乙卯丙辰以後詩悉系於此云嘉慶戊午涂月下澣甘亭居士書於小謨觴館

雨泊無錫小病

乙卯

荻花楓葉太淒清  
水宿風鐙第二程  
鄉思劇於新病夜  
雨聲疏到欲闌更  
三生埜寺眠雲夢  
一笛鄰船折柳情  
不忘旗亭前度酒  
吳鹽如雪破香橙

蘇軾墨妙亭詩過眼百世如風鐙 周邦彥  
少年游詞并刀如水吳鹽勝雪纖手破新橙

客京口寓居興善寺山樓雜詠九首

雲籜一角抱山成  
山月當窗夜氣清  
壑底松簧寒不奏  
細風攬下讀書聲

層層石磴聳精廬  
天許狂奴半榻於  
我比仙人計兼得  
好樓居更好山居

史記封禪書公孫卿曰仙人好樓居

篆冷梅檀案似冰偶同開士話三乘一般瘦影秋燈裏

失路詞人退院僧

釋元應一切經音義開士謂以法開導之士也法

華經三乘者一日聲聞乘二日緣覺乘三日菩薩乘

香積休嫌口腹虛僧如佛印解燒豬東坡正要蒸豚餉  
肯把清齋苦律渠

蘇軾詩遠公沽酒飲陶

潛佛印燒豬待子瞻

夜寒爐火爇僧寮院主殷勤燭共挑除卻丹霞俱木佛  
不妨權取兩尊燒

五燈會元鄧州丹霞禪師於慧林寺遇天大寒取木

佛燒火向院主訶日何得燒我木佛師日吾燒取舍

利院主日木佛何有舍利師

日既無舍利更取兩尊燒

獮獠偏能悟淨因一編指月讀千巡須知妙解菩提者  
不是巍峩上座人

瞿汝稷指月錄盧慧能曰人卽有南北佛性豈然祖  
曰這獮獠根性太利著糟厰去經八月祖知付授時  
至告眾曰正法難解不可徒記上座神秀乃於廊壁  
書偈曰身是菩提樹心如明鏡臺時時勤拂拭莫使  
染塵埃盧寫一偈曰菩提本無樹明鏡亦非臺本來  
無一物何處染塵埃祖見此偈以杖三擊其碓盧卽  
以三鼓入室以法  
寶及袈娑付之

酒酣時復唱烏烏伏櫪吟成壯志孤值得山僧供一笑  
長明燈下讀陰符

啖芋空誇宰相才十年心似嬾殘灰只應常傍羣牛臥  
那有工夫拭涕來



指月錄德宗使人召嬾殘師寒涕垂膺使者令拭涕師曰吾豈有工夫爲俗人拭涕耶竟不能致

堆案楞伽未是遲火傳懸解寸心知困來合眼饑來飯  
定律新參海慧師

李賀贈陳商詩楞伽堆案前楚詞繫肘後 莊子養生主適來夫子時也適去夫子順也安時而處順哀樂不能入也古者謂是帝之縣解指窮於爲薪火傳也不知其盡也 傳燈錄源律師問大珠海慧禪師日和尙脩道如何用功師曰饑來喫飯困來卽眠曰一切人總如是同師用功否師曰不同他喫飯時不肯喫百種需索睡時不肯睡十般計較所以不同

夜讀西方書戲占

一縛佞盧信手拈風根枉用證華嚴人生妻肉誰拋得  
我比周何累尙兼

一縛補注 法苑珠林造書凡三人長日梵其書右  
 行次佐盧其書左行少者倉頡其書下行 齊書周  
 顯傳時何允亦精信佛法無妻妾太子問周精進何  
 如允曰三塗八難共所未免然各有其累太子曰所  
 累伊何曰  
 周妻何肉

### 焦山三首

中流一柱氣網縕浮玉東來日乍曛花雨三千龍象座  
 暮潮十萬鸛鵝軍天撐靈島分江海僧共陽侯占水雲  
 取醉莫辭京口酒下山清嘯半空聞

傳燈錄達摩傳日波羅提法中龍象智度論日龍象  
 言其力大故負荷大法者比之龍象 晉書郗超傳  
 郗愔在北府徐州人多勁悍桓  
 溫恆日京口酒可飲兵可用

朱方迴首鬱陂陀白浪青燐戰壘多閩越南天雄鎖鑰

孫盧故鬼化，龍鼉時清烽。火停長戍客，暇登臨足浩歌。  
北府兵聞從古勁，丁寧東海慎揚波。

按孫恩盧循皆東晉海寇見晉書詩意  
蓋指順治十六年鄭成功寇鎮江事

杖策眞爲莽蒼遊，海天魂夢費勾留。直須彌勒同龕住，  
絕勝鴟夷一舸浮。大地鵬程快搏擊，百年雞甕笑拘囚。  
從今眼倦鶯花路，曾向雲濤洗兩眸。

莊子逍遙遊適莽蒼者三食而返腹猶果然陸德明  
音義蒼七蕩反蘇軾焦山詩只有彌勒爲同龕  
史記越世家范蠡浮海出齊變姓名自  
謂鴟夷子皮黃庭堅詩醯雞守甕天

焦隱士祠

隱士爲焦光詩作  
焦先從舊說也

帝王夜走平津路，六百炎精積漢祚。斗牛王氣占許昌，

讖屬當塗亦天數一時英雋爭著鞭臥龍雛鳳歸西川  
鹿門獨偕水鏡隱繼者阜帽遼東賢先生早具鴻冥志  
青犢黃巾賊紛至結茅靜對海門潮干戈不省關中事  
五官受禪漢室空天子去作山陽公漢家不事肯事魏  
半畝老守瓜牛宮四海紛紛歸典午天爲先生畱片土  
一聲祝衲浩歌起面面魚龍聽而舞結樹申屠隱梁碣  
牆東牛僧逃新莽後先肥遯軌轍同海色江光見靈爽  
石窟巉巖古洞虛黃初往事重欵獻失身尙惜荀文若  
賣國安論華子魚

魏志董卓傳中常侍段珪等劫帝走小平津  
魏志文帝紀注許昌氣見於當塗高當塗高者魏也  
蜀

志諸葛亮傳注習鑿齒襄陽記司馬德操曰此間有  
伏龍鳳雛備問爲誰曰諸葛孔明龐士元也又徐庶  
謂先主曰諸葛孔明者臥龍也後漢書龐公傳攜  
其妻子登鹿門山因採藥不返蜀志龐統傳注襄  
陽記司馬德操爲冰鏡魏志管寧傳聞公孫度令  
行於海外至於遼東又寧常著阜帽布襦袴魏志  
管寧傳注皇甫謐高士傳漢室衰先乃自絕不言及  
魏受禪常結草爲廬於河之湄或數日一食魏志  
武帝紀建安十六年天子命公世子丕爲五官中郎  
將後漢書獻帝紀魏王丕稱天子奉帝爲山陽公  
魏志管寧傳注魚豢魏畧先自作一瓜牛廬裴松  
之曰瓜當作蝸又魏畧嘉平中大發卒伐吳有竊問  
先討吳何如先不應而謬歌曰祝祝非魚非肉  
更相追逐後漢書申屠蟠傳乃絕跡於梁碭間因  
樹爲屋自同傭人後漢書逢萌傳王君公偕牛自  
隱時人爲之語曰避世墻東王君公魏志荀彧傳  
字文若年少時南陽何顛異之日王佐才也魏志  
華歆傳字子魚注王沈魏書文帝受禪歆奉皇帝璽  
綬以成受命之禮

瘞鶴銘

夙聞焦山足瘞鶴留古銘顛厓蝕巨浪字失秋虵形永  
叔癘金石鉤摹得零星華陽與逸少論辨紛畦町江海  
蕩不去要是物有靈何年出幽壑移置山間亭沙痕裂  
石罅字腳餘龍腥齧缺類周鼓叢殘方壁經風波一出  
險壽足垂千齡海雲斂暝色蘿薜搖空青陰硤撼蛟蜃  
蒼苔聞古馨何當臥碑下仙梵雲中聽

歐陽脩集古錄瘞鶴銘題曰華陽眞逸撰刻於焦山  
之足常爲江水所沒好事者俟水落時模拓而傳之  
往往祇得其數字云鶴壽不知其幾而已 劉餗隋  
唐嘉話歐陽詢見古碑索靖所書布毯坐觀宿其下  
三日而後去 按詩中華陽逸少云  
云詳見 國朝汪士鋐瘞鶴銘考

焦山諸庵紀遊八首

香林誰位置庵以自然名峭壁承花座秋潮雜梵聲國

鄰龍伯近山對象王明天與安調御何須問化城

自然庵

李願覺公院施烏石臺詩苔痕蒼曉露盤勢出香林  
李嶠洛州昭覺寺碑以儀帝龍顏之相調象王螺

髻之容 翻譯名義集世尊無虛妄名如來調他心  
名調御丈夫為眾生眼名天人師知三聚名佛 法  
華經法華道師多諸方便於險道中化作一城  
是時疲極之眾前入大城生已度想生安穩想

一氣渺鴻濛祇園雲海中蜃樓秋霧白魚眼怒濤紅佛

日輝窮髮鮫人拜大雄天風送清磬直下尾閭東

海雲庵

江總建初寺碑銘佛日初照慈雲不偏 莊子逍遙  
遊窮髮之北有冥海者天池也 任昉述異記鮫人

居水中不廢織作 梁肅天台智者大師碑及  
大雄示滅學路派別 郭璞江賦渫之以尾閭

師座憑虛構龍鱗拔地高霜皮和雪浪日夜吼風濤有

客依棲鶴何心學釣鰲好留寒綠在容我讀離騷松寥閣

別一峯頭寺攀林蹋閣游秀森螺髻翠高壓卯天秋瓶

拂南能座鐘魚歌利樓頻伽何處鳥空際聽鉤轉別峯庵

馮延巳詩未得安心如北秀御思覓法趁南能 翻譯名義集西域記云曹羯釐城東有大宰堵波是忍

辱仙被歌利王割截之處 翻譯名義集迦陵頻伽 此云妙聲鳥 李羣玉詩行穿屈曲崎嶇路又聽鉤

轉格

磔聲

人影入叢綠清秋生薄寒碧雲浮黛色冷日漏經壇氣

逼干巖爽風梳一徑寬小移如可儻茶竈為予安竹樓

絕壁銜孤剎危樓占上層石為奇鬼立人學捷猱登怖



鴿依禪榻飢颺瞰佛鐙欲從龍躡去繫日借長繩

石壁庵

法苑珠林舍利弗從佛經行時有鷹逐鴿鴿飛來佛旁住佛影覆鴿上鴿身安穩怖畏即除

陸游詩飢

饑觸闇燈

抱朴子雜應篇能乘躡者可以周流天

下几乘躡道有三法一日龍躡二日虎躡三日鹿盧

躡

傳休奕詩歲暮景邁羣光絕安得長繩繫白日

羣光絕安得長繩繫白日

地掃紅塵跡天開祇樹林四圍溟渤氣一片妙明心不

隔孤雲相長邀慧月臨琉璃原法界安用布黃金

水晶庵

釋法顯佛國記阿育王精舍後立石柱柱內四邊有佛像內外映徹淨若琉璃

經律異相須達多長者

欲營精舍請佛住有祇陀太子園廣八十頃可居白

太子太子戲日滿以金布便當相與長者出金布八

十頃精舍告成故

日祇樹給孤獨園

度佛不成佛西方父母推善權千種仰法座一峯危五

濁浮生幻三災世路悲舉頭靈鷲近磨衲許追隨

文殊庵

普超三昧經佛言我今得佛皆文殊之恩文殊乃佛道中父母也爾時眾念文殊既在佛前何不成佛耶

佛言文殊深入善權廣化眾生故未取道法苑珠

林所謂五濁者一日命濁二日眾生濁三日煩惱濁

四日見濁五日劫濁長阿含經三災上際若火災

若水災若風災西域記者闍崛山有兩峯雙立鷲

鳥常居其嶺山遠望如鷲形故名靈鷲山

彥周詩話東坡以玉帶贈寶覺寶覺酬以磨衲

### 雨夜對酒作

元冬客江城孤館鄰市井暮吹淒風簾暝雲欲諸嶺避

喧無良策一雨聊自幸瀟瀟定何物能使羣動靜虛室

延微涼瓶花抱孤影紙窗疏自鳴短燭寒猶耿塵寰競

紛華公府事朝請奔走埃壒間冠裳慎要領安知江湖

客樂此清淨境湛然坐蕭間  
丈室有箕穎熾炭溫酒鎗  
呼僮薦溪荇幢幢簷溜急  
隱隱譙鐘警守寂生遙思  
道心發深省明當看北固  
溼翠侵衣冷

晉書職官志奉朝請者奉朝會請召而已又王楙野  
客叢書言漢書言朝請其說有二按昌黎秋懷詩及  
東坡送程建用詩皆讀請作上聲後  
漢書李雲傳成帝赦朱雲要領之誅

### 秦郵道中五首

碧玉邗溝箭樣流紅樓昨夜夢揚州  
畫簾十里橫波目不敵珠湖一片秋

南畿志珠湖在高郵州七十里

射陽陂畔漲參差  
巒社湖頭烟暝時  
一帶汀蕪一弓月

# 霜花濃到露筵祠

揚州府志射陽湖寶應古稱射陂贊社湖高郵孫萃  
老家於湖陽夜見窗明如晝見一大珠其光燭天露  
筋廟舊傳有女子隨嫂氏夜過此天陰蚊盛嫂借宿  
田家女堅執不就獨宿草莽中遂以蚊死其筋露焉

米芾  
碑記

# 天津橋上杜鵑愁元祐詞人黨籍收畢竟才名累公等

## 文游臺枉說千秋

邵氏聞見錄先公治平間與客散步天津橋上聞杜  
鵑聲慘然不樂日洛陽無杜鵑今始至不二年上用  
南士為相專務變更天下自此多事矣天下將亂地  
氣自南而北禽鳥得氣之先者也 王明清揮塵後  
錄元祐八年崇政撤簾泰陵親政明年改元紹聖蔡  
元度鄧伯溫迎合以為神宗實錄詆誣之甚乞行重  
修由是立元祐黨籍凡當時位於朝者以次竄斥  
揚州府志文游臺在高郵城宋蘇軾孫覺秦觀李公

麟同游於此郡守因築  
臺名文游以紀其盛

少日詞壇筆陣開髯秦淮海豔高才蘇翁仙去涪翁逝  
誰識無雙國士來

黃庭堅送秦少游從蘇學士詩東南淮海惟揚  
州國士無雙秦少游 晁无咎詩淮海一髯秦

揭竿人嘯海陵倉小竊江東古戰場此地符離城不遠

靈旗應傍夥頤王

漢書枚乘傳注臣瓚曰海陵縣名有吳太倉 徐禎  
卿剪勝野聞太祖曰張士誠小竊江東之民至今呼  
爲張王 史記陳涉世家客  
日夥頤涉之爲王沈沈者

高郵

覆孟城外接滄溟面面湖光霧氣腥元蚌吐珠明夜黑

白鼉吹浪失天青  
隄嚴竹槿千夫鍤  
風飽椰帆一葉萍  
曾讀河渠談水利  
幾人憂患究棗經

秦觀詩吾鄉如覆孟地據揚楚脊環以萬頃湖  
粘天無四壁皮日休詩椰帆卻返舊禪扉

汜光湖

明武宗征宸濠駐蹕於此

湖波三十六迢遙  
人寶江城見麗譙  
黃竹若為歌雨雪  
翠華當日下雲霄  
弄兵帝子潢池靖  
並海君王鳳舸饒  
青史觀魚遺蹟在  
要尋鷗侶話前朝

揚州府志高郵境有三十六湖以受七十二澗之水  
宋王貞簡詞三十六陂煙雨春楚州刺史鄭轅得  
寶記肅宗元年尼真如見天帝授以八寶具以聞官  
上達因改寶應元年改安宜為寶應穆天子傳天  
子游於黃臺之邱日中大寒雨雪天子作黃竹詞三  
章以哀之尹守衡史竊正德十四年上親征宸濠

至良鄉王守仁捷音至遂南  
巡十一月至寶應漁汜光湖

客京口日蔣友之

坦

將遊皖江順道過訪去後

以詩見寄次韻酬之

長鏡白木願仍乖獨客淒然謝勝儕大地江山供雪爪  
異鄉花月掃風懷庚寅楚頌千番讀丁卯詩人一壑埋  
不道南徐小棲泊帽簷有爾款蕭齋

楚詞惟庚寅吾以降 鎮江府志  
唐日丹陽許渾丹陽人有丁卯集

再疊前韻

龍堆馬邑舊遊乖

友之尊人香涇先生幸山右之馬  
邑與先君子爲丙戌會試同年 憔悴

飛狐問絹儕廉吏兒孫成並命羈孤兄弟似同懷兩

家葛帳淒風緊一樣瀧岡宿草埋偶釣鱸魚四十九江  
湖愁思滿空齋

費樞釣磯立談謝元與兄子書北固秋來大有  
鱸魚一手釣得四十九枚按御覽作四十七枚

三疊前韻

韻帖詩筒興未乖青衫人憶蔣防儕賦成鸚鵡秋盈篋  
泣化瓊瑰夜滿懷脉望未仙頭屢責糟邱可築首應埋  
行當拋去揚雲席另結天龍選佛齋

常州志蔣防年十八父友令作秋河賦援筆立就  
泣化瓊瑰見左氏成十七年傳 酉陽雜俎何諷於

書中得一髮捲如環方士曰此名脉望蠹魚三食神  
仙字則化爲此 張敏頭責子羽文余友素生少而  
狎之同時暉好張荀之徒繼踵登朝無伐木嚶鳴之  
聲違王貢彈冠之義故因秦生容貌之盛爲頭責之



文以戲之并嘲六子南史陳暄傳暄嗜酒過差非  
度兄子秀憂之喧與秀書云速營糟邱吾將老焉爾  
無多言傳燈錄江西馬  
大師出世此選佛場也

### 四疊前韻

風饕雪壓計真乖研北生涯笑我儕一卷長楊羞自獻  
三年漫刺且須懷家聯白板還稱舊名在青山未可埋  
殘臘片帆江上待足音重訪淨名齋

韓愈祭張員外文歲弊寒兇雪虐風饕後漢書禰衡傳建安初來遊許下始達潁川乃陰懷一刺既而無所之適至於刺字漫滅發跡經淨名大士是古金粟如來

### 淮陰雪夜

虛幌紅爐夜色闌淮壩如掌雪花攢半生吳楚遊原壯

一飯英雄古亦難  
松偃蒼龍愁老幹  
客爲堯鶴忽新寒  
由他馬耳雙尖沒  
官燭燒殘嬾去看

劉敬叔異苑太康二年冬大寒南州人見二白鶴於橋下日今茲寒不減堯崩年蘇軾雪後書北臺壁詩試掃北臺看馬耳未隨埋沒有雙尖

里中除夕

一爐寒火炷烏銀  
此夕團欒夢乍真  
搔鬢預愁將盡夜  
得歸何恨暫時人  
屠蘇酒向山妻索  
菜甲盤從竈婢陳  
絕勝常州蘇玉局  
孤篷遙夜話酸辛

戴叔倫除夜詩一年將盡夜萬里未歸人杜甫喜達行在詩間道暫時人蘇軾有除夜宿常州城外

詩

元旦試筆 丙辰

又轉蒼龍角重緡太史書紅雲闔闔路白雪野人居鬢  
短星霜裏才消患難餘百年曾易滿春信渺愁予

曙旭

曙旭升初旦朝霞啟麗春光原煥鳩鵲天暫鬪麒麟 去歲

元旦 已下三條赦頻蠲兩府緡何煩鮑司隸封事建章

陳

張華博物志麒麟鬪而日月食 漢書鮑宣傳宣上  
書言今日蝕於三始誠可畏懼上感大異納宣言拜  
宣為  
司隸

不換

不換桃符舊長關竹戶斜戲仍簪栢葉詩總欠梅花風  
俗安鄉井輪蹠誤歲華暫時椒酒盞終勝市壚賒

劉克莊髮脫詩稚子笑翁簪栢葉

范成大詩人向梅梢大欠詩

### 庭梅盛開花下作

息影衡門百計非萍蹤端只爲花歸絕奇蓬戶留仙袂  
恰有春人對縞衣瑞腦香和金獸暖曉簾風穩翠禽飛  
前塵魂斷江關道古驛黃茅卓酒旗

高啟梅花詩縞袂相逢半是仙

龍城錄趙師雄遊

羅浮見美人淡妝素服出迎扣酒家共飲師雄醉臥  
東方既白起視乃在大梅花樹下上  
有翠羽啾嘈月蒸參橫惆悵而已

### 新正雪霰達夜

浙浙復泠泠寒威逼火青重看今夜雪難得故園聽折  
竹墮幽響薰篝淒薄馨刀環宵夢穩勝絕子雲亭

立春日口占

時將出門

北道征人已買槎雁羣北返亦牙牙一般拋卻江南去  
但只春鴻是到家

將之淮上留別家人四首

衝雪歸來席未溫虛堂人又愴離樽北轅南柁重憂患  
東里西華弱弟昆大好風花供點筆早孤兒女怕當門  
長貧不及王章婦猶共牛衣拭淚痕

殷文珪詩北轅南柁幾時休漢書王章傳

爲諸生學長安疾病無被臥牛衣中與妻決

饑遊仍逐海陵槎人去紅閨噪晚鴉風似有情還阻客  
堦真無賴慣拋家瞻烏屋豈謀全左挽鹿車原望太奢  
祇是別來膏沐嬾點妝孤負玉梅花

列女傳鮑宣妻桓少君悉歸侍御服飾  
更著短布裳與宣共挽鹿車歸鄉里

此去花間翠袖單乳鶯雛燕感無端好拈繡帖閒翻譜  
莫望天涯數倚闌錦帶書堪消夜永剪刀風要慎春寒  
狂夫略比連波勝肯使璿機仿若蘭

四庫總目錦帶書一卷舊題梁昭明太子蕭統撰陳  
振孫書錄解題又云梁元帝撰此事儷語在法帖中  
章草月儀之類賀知章柳詩不知細葉誰裁出二  
月春風似剪刀黃庭堅題蘇若蘭迴文錦詩圖云  
亦有英靈蘇蕙子  
只無悔過竇連波

片帆南浦趁芳辰不用臨岐絮語頻有地儘教栽苦竹  
無田寧敢怨勞薪生涯易了惟應儉家事差閒好在貧  
先把日歸期說與待梅如雪雪如塵

婁東賃舟甚小示同舟友人

野航人可兩三留五尺艤舫也遠游此地船都輕似葉  
我儕屋尙小於舟依然春水疑天上不礙風帆指石頭  
一片紅旌數聲鼓狂奴心早薄通侯

杜甫南鄰詩野航恰受兩三人揚子方言小舸謂  
之艤孔鮒小爾雅艇之小者曰舫杜甫小寒食

舟中作春水船如天上坐山謙之丹陽記石頭城  
吳時悉土塢義熙初始加甃累甍因山爲城亦謂之

石首城白居易入峽詩兩片紅  
旌數聲鼓使君君艤艤上巴東

岸次作

橐筆依然索米身  
雨天驚黑問前津  
僮肩襍被番番慣  
路踏江湖步步陳  
差喜朋簪聯白舫  
幸毋風色怒青蘋  
到淮準被山英笑  
今古看他乞食人

蘇軾詩團團如牛  
磨步步蹈陳跡

夜發太倉次馬鞍山下

翩翩西去帆似馬  
不可鞞娟娟下弦月  
南浦獨相送舵  
牙水微明草霜冰  
猶淞突兀孤峯青  
蛾眉向人貢蒼支  
一拳瘦翠悶千巒  
凍老鶻翻厓陰白  
雲補巖空玉山事  
已非金粟人如夢  
當年草堂客歌嘯  
寂鸞鳳饒樂無千



齡風塵眞可慟琳宮掩深更落月在梁棟石齒微瀾生  
春潮暗中弄長歌問老鐵一醉能無痛

廣韻淞蘇弄切凍淞冰也

四庫總目玉山名勝集

八卷外集

一卷元顧瑛編瑛在元季園池賓客之盛

甲於江左又草堂雅集十三卷瑛開玉山草堂延致

四方之士仿中州集各爲小傳元季詩家楊維禎等

七十人括其大凡

按瑛自

號金粟道人維禎自號鐵崖

### 虎邱山

觀山如觀人貌古不厭瘦舍眞論華藻謬論笑拾瀋屨  
顏海湧峯蒼翠撲衣衽石怪猿猱攀潭空魚鮪淦星芒  
闕雄劔殺氣兀猶凜謾謾蒼龍鱗清風良可飲吳兒不  
解事人力肆雕鋟雜揉亂丹牖緣飾紛綈錦坐令雄秀

姿金粉失天稟晚風動游袂絕頂聊踔蹇新月生溪杉  
幽輝浸沙礲長年一柳栗經過凡幾稔擷芳自臨壑烹  
薜還獨品三嘆返樸言此理誰當審

廣韻瘦七稔切又貌醜也

### 阻風二首

日日蒲帆飽似弓稱心癡擬駕樵風憂生漸識盈虛理

### 政要江神暫惱公

後漢書鄭宏傳注會稽記日射的山南有白鶴山此鶴為仙人取箭漢太尉鄭宏得一遺箭有人覓宏還之問何所欲宏曰常患若耶溪載薪為難願得旦南風暮北風後果然

多憂身世傲平生客路由他百怪驚十丈鯨波喧不管

浪花堆裏一詩成

舟次京口水淺不得行

夜行慶亭路千帆如馬馳朝泊徒兒浦沙淺愁篙師長  
川不容刀萬舸相撐支瓣香祝水長共禱江上祠仕宦  
需利涉商賈競刀錐同抱欲速心各各求其私而我倚  
舷笑無官亦無資揚帆固所願滯淫豈足辭均之在羈  
旅去住理無差銜杯綠盈醪斫鱸紅成絲青青黃鶴山  
對我生奇姿此卽神貺我干請復何爲獨嗟踏浪兒袖  
手閒自嬉有技不得展有力無從施何異賢豪人抱才  
當數奇臨流自擊楫歌落江天悲

鎮江府志黃鶴山今名鴻鶴山  
孟郊詩儂是踏浪兒飲則拜浪婆

西津曲

癡龍無靈長官怒淤沙塞斷西津渡  
駸駸萬斛膠不行  
咫尺天涯望瓜步向來輓粟由長江  
直瀆浩渺愁驚瀧  
自從練湖開濟運帶水一日行  
千艘清漪蓄水隄置牖  
拭沙出江規可法大挑小挑工  
及時畚鍤元冬垂令甲  
太倉紅粟儲非易一粒須勞千指臂  
吳秔已令督農桑  
楚相仍須求水利從來治河如治疾  
濬濬疏通無二術  
苟能抉剔窮根株何至萌芽成壅窒  
今年異事亦獨何  
春潮斗落淤泥多官錢已糜役已畢  
要仗三尺桃花波

長吏紛馳庶人走共向神祠拜稽首人力未至求天全  
此語傳聞古來有老鴉銜肉香縈紆我爲一笑付子虛  
鄭公不作孫叔死掩篷自讀河渠書

李白丁督護歌注胡震亨曰潤州舊不通江開元中  
齊澣爲刺史始移漕路京口塘下直達於江 蘇軾  
次韻孔毅父久旱詩破陂漏水不耐旱人力未至求  
天全 鄭公蓋指水工鄭國及大農鄭當時見史記  
河渠書

### 覆舟行

中泠片石撐盤陀珠跳雪噴成盤渦輕舠我昨翦江渡  
之字帆影如投梭屢經險地了無險恍歷砥道車鈴和  
講知邗溝衣帶水乃有駭浪高嵯峩橫風摧檣舵無力

欹側掀簸如旋螺船窗四面水飛立溼我冠素裘黃紕  
舟人絕叫同伴怖我持詩卷仍咿哦做書數冊無長物  
攫取何用煩蛟鼉平生忠信不敢保頗恃窮薄輕風波  
須臾風定水亦息陽侯斂袂舟無頗險中出入兩如夢  
前行且博朱顏酖忽驚人聲亂鴨鵝誰歟來船怨孟婆  
喧言舟傾死七口中有宰官髮未皤州符事急風水惡  
浩劫同日遭羣魔人生何地不憂患畏路豈必江與河  
我初在險心坦若見此清淚翻滂沱官非楚屈平曷爲  
沈身如汨羅官非李供奉騎鯨毋乃能詩歌茫茫天意  
不可識我生彼死一刹那過海莫羨封尉佗油幢莫羨

楊沙哥請看死者垂青綯便當歸種二頃禾至老不復  
經江沱胡爲篙工復理楫水程促速憂蹉跎前車在眼  
不知戒鳴榔坐嘆勞人多嗚呼奈此勞人何不見覆舟  
旁又千艘過

劉昭禹詩之字上危峯 家語致思篇有懸水三十  
仞有丈夫渡而出孔子問之對曰吾之人先以忠信  
及吾之出又從之以忠信所以能入而復出也 宋  
徽宗詞孟婆好做些方便吹箇船兒倒轉按北齊陸  
士秀日山海經帝之女遊於江中出入必以風雨自  
隨以帝女故曰孟婆猶郊祀志以地爲富媪 白居易  
易楊尙書授東川節度詩劉綱與婦共升仙弄玉隨  
夫亦上天何似沙哥領崔嫂碧油幢引向東川按沙  
哥楊汝士小字居易汝士妹婿也 劉禹錫酬  
樂天詩沈舟側畔千帆過病樹前頭萬木春

邵伯埭夜泊

小詩解館詩集注卷五  
六  
烏榜叢蘆岸蝦蟆野戍更波澄裂魴鯉沙白語鷓鴣照  
鷓鴣鐙落懸蛛柳月明夜深誰說鬼燐火草間生

張泌詩蝦蟆

更急海城寒

舟中夜起

蒼蒼煙外水碧淨暗無痕缺月挂天末凍雲圍一村潮  
生寒蚓弔舫觸大魚奔縱有邛須客詩情孰可論

二月十日尤二娛學博

維熊

過飲淮陰郡齋歸

後以詩見貽奉報三首

梅柳隨春盡渡江酒兵新拉鬪雞缸鄉音吳語人三兩  
遲旭風簾蜨一雙來日大難眉要展此君小異氣先降



何當共擬登樓賦賭取龍文筆力扛

王融善哉行來日大難口燥唇乾

晉書孟嘉傳褚

裒問庾亮曰聞江州有孟嘉其人何在亮曰在座卿

但自覓裒指嘉曰此君小異將無是乎

韓愈詩龍文百斛鼎筆力可獨扛

江東傾倒邳嘉賓舊是芙蓉幕府人五兩綸摧才子氣  
一條冰傲冷官身何妨下走呼牛馬且要高歌泣鬼神  
轉眼社公時節好更須同墊雨中巾

晉書邳超傳字嘉賓謝安與王坦之謂溫論事溫令

超帳中臥聽之風動帳開安笑曰邳生可謂入幕之

賓矣按邳與邳別邳超之邳應作邳陸龜蒙詩一段

清光染邳郎作邳謀也此亦仍前人之譌

南史庾

杲之傳蕭緬與王儉書曰庾景行汎淥水依芙蓉何

其樂也時人以入儉府爲蓮花池故緬書美之

揚子法言孝至篇不由其德五兩之綸半通之銅亦泰

目時人謂其署銜爲一條冰莊子天道篇呼我牛也而謂之牛呼我馬也而謂之馬又司馬遷書太史公牛馬走杜甫詩  
但覺高歌有鬼神

觸撥前塵意惘然  
玻瓈十頃潁湖煙  
遨頭白苾新翻曲  
飮座黃裳最少年  
猛士詩人星落落  
藥闌花嶼夢綿綿  
無端一夕高齋會  
又動離愁到楚天

宋書樂志白紵舞紵吳地所出宜是吳舞也按紵通作苾唐書崔遠傳世目日飮座梨言座所珍也

卽事

擔風握月總無情  
一卷元經也嬾橫  
蘸水柳能增影媚  
釀寒天不放雲行  
厭名世味思原熟  
久客鄉程夢亦生  
差喜道人春睡穩  
曉窗紅樹澁嘒鶯

春宴錄虞松方春謂握月擔風  
且留後日吞花臥酒不可過時

春半作

二月春愁雨釀成韓侯祠畔客心驚  
流民多倍三千士粒米珍同十五城  
取醉薄休嫌魯酒寫哀聲不厭秦箏  
如何芳草天涯路偏向高樓望處明

史記藺相如傳秦昭王遺書趙王願以十五城易璧

雨中小飲

簾閣薰爐裊篆烟筆牀茶臼鎮蕭然  
忍寒花學嘒妝女積雨春如病少年  
家遠并無書道憶詩慵賸與酒爲緣  
何因更續嬉遊夢桑葉城南拾翠鈿

蘇軾寒食雨詩何如  
病少年病起頭已白

書悶

青鋒繡澁舊吳鈞  
少學雕蟲壯自羞  
豈有聲華爭八采  
枉窮騷雅讀三侯  
書生末路依人鳥  
倦客天涯喘月牛  
多愧射鵰飛將侶  
短衣狂作北平游

北史盧思道傳文士各作輓歌擇其善者用之唯思道獨得八篇時人稱爲八米盧郎按因學紀聞或謂米當爲采徐鍇云八米以稻喻之若言十稻之中得八粒米也又按米當爲采說見朱翌猗覺寮雜記史記樂書高祖過沛詩三侯之章注侯語詞兮亦語詞沛詩有三兮故云三侯舊唐書長孫無忌傳太宗日褚遂良甚親附於朕如飛鳥依人自加憐愛風俗通吳牛望見月則喘使之苦於日見月怖而喘焉

五樹千官屋

官屋蕭閒寄病身  
石泉槐火逐時新  
車中婦笑成三日  
陌上花虛度一春  
夙好尙耽詞側豔  
清愁難祓酒溫醅  
青山回首昌亭路  
可有支公許結鄰

僧道潛詩寒食清明都過了石泉槐火一時新蘇

軾陌上花詩序遊九曲山聞里中兒歌陌上花含思宛轉聽之淒然舊唐書溫庭筠傳能逐絃歌之音

爲側豔之詞姜夔翠樓吟詞天涯情味仗酒祓清

愁花消英氣世說賀司空入洛經吳閶門在船彈

琴張季鷹本不相識先在金閶亭聞絃甚清下船共

語按閶亦作昌李白詩卓絕道門秀

談元乃支公按晉高僧支遁字道林

小窗

我嗟錄錄無奇節  
人道鏗鏗善說經  
退鷁羽毛還自愛

不龜醫藥恐無靈書探馬鄭匡安國詩綜韓毛補考亭

憔悴巾箱成底事小窗燈火鎮青熒

史記蕭相國世家為秦刀筆吏錄錄未有奇節後漢書儒林傳楊政字子行京師語日說經鏗鏗楊子

行退鷁見左僖十六年傳莊子逍遙遊宋人有

善為不龜手之藥者世世以泝泝紉為事注不龜謂

凍不皸瘃也釋文龜舉倫反書探句謂尚書為偽

而疏中所引馬融鄭康成之說為古義可據蓋本閩

百詩古文尚書疏證詩綜句謂說詩當博取古四家

而不當專主朱傳蓋本玉應麟詩攷南史齊衡陽

王傳諸王效

為巾箱五經

客中聞婦弟蔣大調陽

詠以詩遙哭之得六首

尺素驚傳淚似潮脩文徵到阿龍超曇花一現天何苦

玉樹千春恨豈消幸早徵熊留息弱可堪彈鵠有年韶

客中斗頓存亡感未到中年鬢已凋

世說王丞相拜司空桓廷尉窺之曰人言阿龍超阿龍故自超注阿龍丞相小字法華經佛告舍利弗

如是妙法如優曇鉢花時一現耳世說埋玉樹著土中使人情何能已

我昔初披樂廣天膝前文度恰隨肩

戊申歲謁外舅時庵先生婦弟初成

童傷心柏寢騎箕日纔過荷衣拜客年千緡生涯無世

業兩言清白是家傳

外舅敷歷卿貳清操自勵歸道山後家貧甚幾不能舉火

蘭摧

玉折何容易不續元文便九泉

世說衛瓘見樂廣奇之曰見之瑩然若披雲霧而觀

青天

韓非子外儲說景公登柏寢之臺

幽閒鼓

吹李賀總角荷衣而出賦高軒過元好問望陵川詩書郎零落頭今白腸斷荷衣出拜時

神篇育而不苗者吾家之

童烏乎九齡而與我元文

道山人去戟門清雛鳳桐花已有聲能讀父書排甲乙  
頗聞人許作公卿身羸大抵緣憂患年少翻嫌太老成  
尚有春暉堂北在望雲難問夜臺情

蘇軾詩道山蓬室知何處 李商隱韓冬

郎詩桐花萬里丹山路雛鳳清於老鳳聲

謝家羯末半凋殘外舅諸郎皆早殤破時弓冶分明仗

二難縱使才消統絳福也須貧守葛衣寒如何一个天

還弱直恐重泉淚亦彈愁絕女兒年半百鏡臺迴溯更

辛酸婦弟為子姊女壻姊少寡 無子僅一女茲又寡矣

世說謝夫人日一門叔父則有阿大中郎羣從兄弟  
則有封胡羯末不意天壤之間乃有王郎 漢書敘  
傳在於綺襦紈袴之間非其好也 弱一个見左昭三年傳



猶記年時作客同病顏爲我勉曾開事關門祚全家痛  
話到親情一倍哀豈是高明真有鬼可知子弟不宜才  
零星賸有遺文否擬向書堂細問來

楊雄解嘲高明  
之家鬼瞰其室

客裏哀歌倍損神清明况值落花辰無多戚里今餘幾  
如此風光又哭人屬纊未看成隔世束芻還欠奈羈身  
鷓原料有山妻痛并得嘔痕過一春

三月二十日飲

兩三竿竹少塵意百五日春多去心極欲停樽更無計  
撲人香絮太悻悻

梁燕詞二首

翠幔延孤翦紅襟語曉寒三春不風雨安識構巢難  
主人堂上意謝女閣中詩莫倚穿簾慣旁嗔有侍兒

春歸引

折花插瓶案頭置一室看春春自媚案頭一片落花飛  
黯然已有春歸意春歸復春歸雲車驂八駢青帝遙遙  
只上征無限世間兒女情丈夫髮不久元女子容無十  
年春歸亦任渠歸耳卻使羈愁滿楚天

尤二娛學博招飲尊經閣下

春風吹愁不肯停旅人曉夢兀易醒崢嶸五嶽起方寸

長鎗短勺煩礪硯穠葩壓檐報鷓鴣游絲攪樹飛蜻蜒  
酒徒一散風裏籜塊影三月籠中翎分無好會繼顏謝  
空憶看花評尹邢有時獨作鸚鵡舞廣樂自奏無人聽  
亦知騶卒可相對終恐負此湘東醺間官多情肯憐客  
拉伴雖雜能忘形重樓蔽槐陰卓午履舄颯沓交寒廳  
新詩出觀雪嚼齒古帙手摩香繞亭天涯久乏文字飲  
煩君闢出新畦町古來佳人喻佳士蛾眉那得皆娉婷  
爲雲爲龍况無定得一何用悲奇零暄暄晴颺細細竹  
杲杲白日方方庭繚煙浮幕深樹綠香雪撲盞雙眉青  
眾賓分曹亂鵝鴨古歡獨領餘芳馨堂萱釋憂草鷓忿

半日足抵三千齡德將無醉古所戒學宮正勒賓筵銘  
衝愁作達亦情耳先聖未必嗔雷霆益山蒼然日將夕  
蠟炬見跋天沈冥酒旗光落參旗動依舊孤懸看客星

李白鸚鵡洲詩五嶽起方寸隱然詎可平蘇軾詩  
南郭清游繼顏謝史記外戚世家武帝時尹夫人

邢夫人並幸詔不得相見尹夫人自請願望見邢夫  
人帝令他從御者為邢夫人來前尹夫人曰此非邢

夫人也其身貌形狀不足以當人主矣乃詔邢夫人  
衣故衣獨身來前尹夫人曰此真是也於是乃俛而

泣自痛其不如也晉書謝尚傳王導謂日聞君能  
作鸚鵡舞一坐傾想尙便著衣幘而舞其率請如此

梁書謝幾卿傳性通脫預樂游苑宴不得醉因誦  
道邊酒壚停車塞幔與車前三騶對飲文選七命

李善注盛宏之荊州記烏程鄉有酒官酒甘美與湘  
東鄴湖酒年常獻之蘇軾詩齒冷新詩嚼雪風

韓愈詩不解文字飲惟能醉紅裘嵇康養生論合  
歡獨忿萱草忘憂李商隱詩天上參旗過人間端

焰消 杜甫白沙驛詩萬  
象皆春氣孤槎自客星

### 短歌

男兒三十不得侯便當賣刀去買牛六州鐵鑄大錯事  
衣食驅遣成拘囚覆羹愁握手觸諱防轉喉憂讒畏譏  
事塞默身不知愧旁人羞不聞黃牛醫許馬磨夜得眠  
朝安作儒生食貧何弗爲豪氣終難使摧挫受人子者  
常畏人先生自入平原門

資治通鑑羅紹威以朱全忠軍合擊牙軍殪之魏兵  
自是衰弱紹威悔之日合六州四十三縣鐵不能爲  
此錯也 韓愈送窮文握手覆羹轉喉觸諱 後漢  
書黃憲傳父爲牛醫戴良見憲歸惘然若有失其母  
日汝復從牛醫兒來耶 蜀志許靖傳從弟邵爲郡  
功曹擯靖不得齒序以馬磨自給 後漢書廉范傳

八言魚會言集注卷五  
百姓歌曰廉叔度來何暮不禁火民安作平生無襦  
今五袴家語在厄篇曾子曰吾聞受人施者常畏  
人與人者常驕人  
又見說苑立節篇

### 夜飲露臺上月出示友

生身不墜禁酒國斫地欲歌歌不得生身不作灌將軍  
一醉已被交章劾諒哉人生行樂耳齷齪安能事脩飭  
而公自是高陽徒劍膽琴心人豈識二更蒼龍奕奕蟠  
東南月大推半九臺高樹密暮煙紫碧天露洗紅闌干  
呼曹挈榼手擘脯我爲楚歌若楚舞杜陵老子容登牀  
盍向諸公覓嚴武

史記魏其武安侯列傳武安乃麾騎縛夫置傳舍召  
長史曰今日召宗室有詔劾灌夫罵坐不敬繫居室

吳萊詩小榻琴心展長纓劍膽舒  
蘇軾中秋見月詩西南大星如彈丸角尾奕奕蒼龍蟠史記留侯世家上日爲我楚舞吾爲若楚歌唐書杜甫傳嚴武鎮成都待遇甚隆甫嘗憑醉登武之牀瞪視武日嚴挺之乃有此兒武雖急暴不以爲忤

初夏招二娛過飲郡齋走筆代柬

官廚煙散一林鴉銀鹿書邀博士家舊熟酒人新熟釀  
已闌春序未闌花縱無觥令圍紅袖底勝經生擁絳紗  
僑客放顛君莫怪畧軒眉事要些些

唐國史補顏魯公之在蔡州再從姪岷家僮銀鹿始終隨之醉鄉日月犯者投旗於前日某犯觥令

暑夜坐露臺上

冰井排雲上星榆傍斗張電光天一角城影水中央蠶

簇違農月棐心寄履霜願乘瓜蔓水為訪芟荷裳

鄴中記石虎有冰井臺江淹詩從容冰井臺

齊民

要術四月蠶入簇

老學庵筆記范文止喜彈琴止

彈履霜一操時稱范履霜

宋史河

渠志五月瓜實延蔓謂之瓜蔓水

### 喬女詩

乾隆甲寅春有客買姬淮上逡巡喬家鬻女女為親親  
貧無食不得復顧身一解女年十七八許身王貴河營

卒夫名兩字銘在骨娶無資嫁無力一年兩年男東女

西遠隔二解

喬家女王家人鄰勸鬻女女為親親貧無

食不得復顧身三解

不得顧身寧可顧夫夫名兩字銘

在骨無模糊黃黃者金燦燦者珠親得食夫則那此心



區區懷中七首報夫以脰殊

四解

脰亦未殊珠亦未量

買姬淮人沈子爲友形相奸媒索直亟疑且莫償問女

女性王夫名兩字銘在骨不敢忘

五解

飲血在胸涕不

沾巾沈子疑問得其真喬家鬻女女爲親乃是喬家女

王家人何以全之淮上逡巡

六解

女亦勿慮身親亦勿

慮食婚錢抗同人告長官召王貴賜以金帛娶有資嫁

有力男東女西永不隔甲寅淮上客

七解

八室同作

長洲

尤維熊 二媿

清河喬女不知書年紀十六頗有餘無兄與弟依父

居許字王貴同縣住名在河營部中注聘女十年不

能娶女父老織蒲蒲賤米貴饑欲枯鄰娃笑出雙明  
珠勸翁鬻女毋躊躇女嚙向戶不能出便有官人來  
入室流光背面不一視舉袖淋浪淚痕溼明珠爛爛  
夜有光翁不鬻女翁命亡口銜石闕語不詳女非他  
人女姓王凜然從一義難晦眾釀婚錢召王貴延津  
劍合浦還珠女心明明女身在當其媒孽勢不止已  
向懷中藏利匕有死無二二卽死問女女知姓王耳  
黃河水清清且淪女不知書女義伸嗚呼東家女兒  
工效顰胡不效彼喬家鄰

天門引

天門岩冥啟玉臺赤書琳札求仙才專精勵志升九閼  
蒼蚪踏雲六玉獮半空撼動珊瑚聲黃櫨首勒飛仙名  
天皇太乙堅且清金光試作昇元經仙人未習青函籙  
三張僞法招神辱牧土宮王不用情天廚謫守三年足  
莊周悔作闡編郎綠筋白誌眯眼眶正坐誤舉靈官章  
噫嘻天門險莫望不如粉蛾貼死屏風上

酉陽雜俎太極真仙中莊周爲闡編郎萬善升玉清

白誌見腹名在琦簡者目有綠筋名在金赤書者陰

有伏骨名在琳札青書者 郊祀歌專精厲意通九

闕 李商隱詩麒麟踏雲天馬獮半山撼碎珊瑚聲

葛洪神仙傳一通黃櫨之簡漆書之封以青玉之

函 魏書釋老志至於丹書紫字昇元飛步之經玉

石金光妙有靈洞之說如此之文不可勝紀 魏書

釋老志除去三張僞法租米錢稅及男女合氣之術

大道清虛豈有斯事 魏書釋老志李譜文來臨嵩岳云以漢武之世得道爲牧土宮王領治三十六土人鬼之政 抱朴子祛惑篇昔淮南王劉安昇天見上帝箕坐大言遂見謫守天厨三年 李商隱詩輕身滅影何可望粉  
蛾貼死屏風上

### 蔣友之訪予淮南酒間賦長歌贈之

饑烏飛飛羽條條淮南看春春不韶當關闖然報嘉客  
短篷三尺停吳船我鄉蔣子好才地筆擅鯨海兼蘭茗  
作歌有聲颺鸞鳳覓粒無樹安鷓鴣風塵插腳二十載  
依舊雙鬢隨蓬飄羈雌江北我苦獨十笏齋屋如團焦  
不堪已習中散嬾矢志大類相如消翩然帽影忽過我  
一笑四拓文窗寮是時芳草青未歇鳴鳩暖睡繁棗條

棲棲游子獨何事壘塊各仗紅醅澆我醉爲君歌且謠  
當年結交始垂髫吾翁若翁政卓越晉隴代隴關岩巖  
荷衣躍馬塞草輒綠鬢縱酒邊花嬌不將裙屐傲儕輩  
頗恃文賦輕譁囂豈知摧積有今日空桑飲恨朱顏凋  
橘官無資生計薄披褐奏曲其聲噍各抱遺經走乞食  
如蝨處禪愁跼跳入泥出脂事顛倒誰歟得雉誰得臬  
洛陽少年書滿腹沅湘淪謫悲聊蕭阿耆光顏字不識  
指揮豪俊羅蟬貂青天盪盪那可問差喜舊侶同清宵  
愁人一對酒一石官燭正傍朱櫻燒萼萼畫鼓起麗譙  
阮公癡哭徒嘵嘵莫愁憐才無孝標且將明月深杯邀

買山有日倘招隱此間桂樹山之椒

杜甫戲為六絕句或看翡翠蘭若上未掣鯨魚碧海  
中嵇康與山濤絕交書有必不可者七甚不可者

二漢書司馬相如傳有消渴疾按玉篇作瘡揚

子太元經出泥入脂注脂榮祿也卜從洿泥之中出

求榮祿之處也張端義貴耳集唐李翱撰五木經

元革注曰雉為二梟為六廬為四溫庭筠醉歌阿

耄光顏不識字指  
揮豪雋如驅羊

題上沙汪涵金畫徐俟齋先生澗上草堂圖

支山橫山兩岩巽白雲在山不可招畫師畫隱畫真隱

草堂十笏當山腰澗上先生此支戶獨行流傳表忠補

席藁魂依香草庵采薇身老珍珠塢世間大節乃有此

父盡臣倫子盡子百年老屋尙三楹風雨深春長蘭芷

川迴壑復深復深當時自畫多苦心

俟齋先生有自繪草堂圖

誰識

襟情鄭思肖但訝筆勢倪雲林今君家近靈巖麓鄉先

生行聞應熟直繪牆東一片心汀花岸柳俱幽獨秋菊

寒泉許薦無莫釐林屋墨模糊請題五百巖陵詠

西照頭陀

作留伴清風使節圖

徐文靖公有清風使節圖

按徐枋字昭法舉崇禎壬午鄉試父少詹事沂乙酉殉節枋隱於上沙顏其堂曰澗上草堂其齋曰俟齋又號秦餘山人足不入城市窮餓以死湯潛菴撫吳躬訪不得一見詳見蘇州府志宋遺民錄鄭所南字思肖宋太學生善畫蘭蘇軾書林逋詩後不然配食水仙王一盞寒泉薦秋菊

八月杪泊舟吳門偕張子白蔣友之遊郡西諸

山臨發蔣立厓郡司馬業晉

招集繡谷交翠堂

八言解會言集注卷五  
三  
觴詠達夜卽事賦贈三首

落日香溪櫂一停尋秋先許醉雲亭芝坊地占花扶屐  
柳嗟天張客聚星猛燭筒波催卷白輦屏山色預排青  
名園便作梯雲看忘卻松梢鶴夢醒

蘇州府志靈芝坊在府城西

漢書天文志柳爲鳥

喙主木草張嗟爲厨主觴客

魏文帝詩猛燭繼望

舒

酉陽雜俎歷城北有使君林魏正始中鄭公愨

三伏之際取大蓮葉盛酒令與柄通屈莖上如象鼻

傳喻之名碧筍杯

李

白詩白波催卷醉時盃

竹垞初白兩詩豪酒壘吟壇此地高鶴蓋團花春擘紙  
犀簾飛蓋夜分曹百年旗鼓翁仍健一輩襟裾我敢叨  
多謝飮盤闌入座牛心也與試霜刀



按竹垞朱彝尊初白查慎行 晉書王羲之傳年  
三謁周顛顛異之時重牛心炙顛先割啖之於是知  
名

論文曾燕謝家香山抹微雲壻最狂半子舊慙呼小友

一門今復拜中郎 立厓爲時庵 外舅從弟 朋憐禽尙情都洽客忝

羊求分豈當明發顛厓倘濡墨得詩先與質蘭堂

談藪宋謝師厚見黃山谷詩日得壻如是足矣山谷  
詩日自往見謝公論詩得津梁 蔡條鐵圍山叢談

范仲溫嘗預貴人會有侍兒喜歌秦少游詞畧不顧  
及酒酣侍兒始問何人仲溫曰某乃山抹微雲女壻

也聞者絕倒 唐書回紇傳言昔爲兄弟今壻半子  
也 唐書李泌傳張九齡召蕭誠泌日公以直道至

宰相而喜輒美者乎九  
齡改容謝之因呼小友

放舟西山夜過橫塘作

廿年夢西山夢好醒輒左秋風警疏慵野意先到我打  
 包一肩欠約侶兩三可探幽如學道有願即須果羸羸  
 天微陰窳搖水鳴舵鮎埼夜光幽蟹斲長橋鎖萬萬株  
 松篁何處逗星火林冥宿烏酣露重秋衣妥缺月影自  
 佳作意不輕墮湖波晃鬚眉上下綠雲裏香螺指猶遙  
 清景此亦頗明望靈巖容應先一笑嗟

陸游詩打包僧趁寺樓鐘  
 元稹詩櫓窳動搖妨作夢

瀆川過汪氏奚望草堂約遊靈巖

溼雲淄淄雨絲絲訪爾橫塘艣一枝人住桃花潭水上  
 風來秋葉打門時無猜白鷺迎生客有福青山得畫師

相約入林添俊侶好收粉本做迂癡

李白詩桃花潭水深千尺不及汪倫送我情 迂癡謂倪雲林黃大癡

由瀆川放舟登靈巖遇雨

柁樓罷晨餐瘦日弄明晦槩牙劃波心山脊露村背延  
緣船尾掉決貲撲嵐靄窈窕數玉尖雲中笑相對美人  
化飛煙姚冶有餘態青山尙風情掃此天半黛身輕短  
筇扶石齒蘿衣礙哀壑松濤翻有響無定在颼颼作復  
止老鶴時一欵絕顛參雁堂石窟弔烏喙鐘魚醒雄魂  
法鼓振聾昧摘乳茶鐺支折蒂岩花佩茫茫具區波盪  
胸消積塊平生黃塵面到此纔得醜黑雲忽遮頭雨勢

八言角會言集注卷五  
三  
恐朋輩依稀走徬徨山好不容愛梧葉吟聊蕭漁歌了

興廢惟當學鳴夷赤馬五湖載

梅堯臣時魚詩一把銅錢趁槳牙 楊維禎題郭天

錫春山圖詩醉傾一斗金壺汁貌得江心兩玉尖

釋氏要覽毗舍離為佛作堂形如雁字故名雁堂

蘇州府志靈巖山有句踐石室 吳越春秋越王長

頸烏喙可與共患難不可共安樂 吳越春秋吳王

夢入章明宮公孫聖日章者戰不勝走徬徨也 韓

翅詩吳江 赤馬船

靈巖雜詠五首

金瓶浥露灑玉虎尙垂綬一朶猥闌花千秋越娥影香

泉法王獻妙湛瞿曇領莫似黃奴宮嘍嘍紅鬼警

吳王井

李商隱詩玉虎牽絲汲井迴 南史陳後主紀小

字黃奴 楊維禎詩胭脂井水底嘍嘍語紅鬼

料料復齒齒山骨孰鐫刻默默何湛湛一泓昔耶蝕割

雲欠刃霜灑瀋愛流黑絕憶黃池年君王面上墨

硯池

博雅在屋日昔耶在牆日垣衣  
今吳王有墨見左哀十三年傳

娃宮一日聲都巷三年習鳥跡何喧喧空廊踢枝立筍

鞣漁婦過桑屐茶娛入想見草承趺紅心露珠泣

響屐廊

吳越春秋越王得苧蘿山鬻薪之女日西施教以容  
步習於土城臨於都巷三年學服而獻於吳 異聞  
錄王生夢侍吳王聞葬西施生應教為詩日滿地  
紅心草三層碧玉階春風無處所悽悽不勝懷

沙棠舟泛泛箭溪水粼粼種香香山下采香兼采蘋溪

花解留麝溪月解效顰不知左關襦乃有除糞人

采香  
徑

吳越春秋越王夫人衣無緣之裳施左關之襦  
給水除糞灑掃三年而無恨色關一本作開

西施入市日一錢便一顧夫差太將牢金椎築宮護赤

雞維甲來干將不敢怒如何覬容光尚有郭凝素西施洞

孟子疏西施每入市人欲見者先輸金錢一文 晉書姚萇載記陛下將牢太過耳 越絕書句踐反國

六年欲伐吳乃使民維甲維甲者治甲系斷脩內牙赤雞稽繇者也 雲谿友議唐王軒泊舟苧蘿題詩

西施石俄見女子低徊而謝後郭凝素聞之屢題歌詩寂爾無人進士朱澤嘲之日借問東鄰效西子何

如郭素學王軒

白靈巖肩輿至穹窿山歷游諸道觀登絕頂望

太湖夜宿聞風閣放歌

梯颺羨飛仙跳蕩作奇想昨夜丹霄下赤松朝來授我

青印杖雲中撥雲雲更開山外有山迎面來蛇藤鳳笏

竊窾一徑不可測扶桑漏影照耀金銀臺筍將軒軒兩  
髯足頗似陵霞駕雙鹿腳底樵風忽倒扶吹上諸天三  
十六天門啟呀然黃冠長揖當我前謂隱非隱仙非仙  
但覺鬚眉清蒼衣袂古中有玉宸殿上香爐烟爐烟四  
酣清都紫微璿題瑤妃金支翠旗瓊窗霧閣紅雲幽邃  
皎日不敢瞰非耶是耶白晝奔走千靈祇靈之依在山  
岳三茅峯更奇絕伏龍暗虎踞殿猛以手觸之鏗有聲  
星幢羽帔靜不怒毋乃前身我亦季孟山元卿俄然高  
穹隘而妨身在諸天又天上沐日浴月太湖萬頃爛銀  
堆收入雙眸了無漲洪濤拍山山影搖金堂玉女笑向

招我欲奮身一擲輕鴻毛尻輪未能駕昏鍾下方作厭  
頂星芒手摘歸翩翩身逐松花落食我誰河上翁館我  
誰赤鯉公莞黃蒲碧松火紅踞雲安牀雲氣通時復縷  
縷時蓬蓬鈞天何處奏半空笙簧簫籟遙遙隱隱徹夜  
飄隨風曾聞武陵源桑麻亦人耳或云天台山神仙戀  
妻子多生情緣纏縛苦不盡爭似餐霞煮石鸞翔鳳趨  
天半高眠有如此仙香沁夢夢斷矣沉瀣吸心心淨洗  
湛然何物象虛明請喝四更山月起

韓愈苔張徹詩磴蘚澁拳踞梯颺颺伶俚

蛇藤補

注 筍將竹輿也見公羊文十五年傳

左傳吳都

賦負嶽山嶽之岵注山曲曰岵音節

蘇軾羅浮山

詩汝應奴隸蔡少霞我亦季孟山元卿自注唐有夢



書新宮銘者云紫陽真人山元卿撰又有蔡少雷者  
夢人遣書碑畧曰昔乘魚車今履瑞雲躡空仰塗綺  
輅輪囷未題五雲閣書吏蔡少霞書 蔡昇震澤編  
林屋洞中有石室銀房金庭玉柱 神仙傳河上公  
者莫知其姓氏漢文帝時結草庵於河濱帝讀老子  
不解親問之 酉陽雜俎赤鯿公見鯉魚卽放之  
集韻沆瀣露氣東方朔  
七諫含沆瀣以長生

閬峯閣贈羅李二道士五首

鍾吾峯對莫釐峯柳栗新支訪赤松鶴髮一梳雲兩袖  
天風吹現碧芙蓉

鍾吾莫釐俱見蘇州府志 范成大詩病憐  
柳栗隨身慣 列仙傳赤松神農時雨師

最高寒處掩松關萬點烟螺腳底環無上雲頭無上法  
道人聲價似名山

點筆分明北苑傳湖山真藁富雲烟載花倚上朝元路

好破工夫去畫天

畫史會要董源號北苑米海岳云平淡天真多唐無

此品在畢宏上 陳與義法駕導引朝元路朝元路

同駕玉華君子乘載花紅一色人間遙指是祥雲回

望海光新 韓愈進撰平淮西碑文表乾坤之容日

月之光知其

不可繪畫

彩杖陵虛說祖風五千家法妙參同令昭也在雲璈隊

要丐飛車問碧空

太平廣記引神仙感遇傳羅公遠取拄杖向空擲之

化為大橋請元宗同登 史記老子傳姓李名耳著

書上下篇言道德之意五千餘言 方輿勝覽武夷

君會鄉人幔亭峯命歌師彭令昭唱人間可哀曲

道根終淺世緣深預怕疏鐘喚出林一路松花雙不借

又從天上種離心

劉熙釋名草履日不借

連日山游頗愜幽趣嗣瀆川沈文起

欽韓

攜酒

至舟中約再探光福鄧尉諸勝酒間賦贈兼示

子白友之

金風號林天蒼莽萬人裹足三人往秋山靜若太古時  
入骨高寒世誰賞狂朋怪侶屬我儕磴道跡絕盤千迴  
蹙然足音出松麓同心乃有休文來虎山橋頭笑捧手  
湖光灩動黃花酒烟霞氣合掃寒暄先指一峯傾一斗  
排岩搜穴須努力請到翠屏深處極樵夫相見莫驚疑

不是神仙是山賊

莊子徐無鬼聞人足音蹵然而喜矣南史沈約傳  
字休文南史謝靈運傳嘗自始寧南山伐木開徑  
從者數百人臨海太守王琇驚駭謂爲山賊徐知是靈運乃安

白光福泛舟遊鄧尉元墓諸山

山山凝睇延幽步爭獻風雲導先路是山便好況名山  
展齒不周山亦妬綿濛林壑何窈深積岳冒蘿天半陰  
打頭黃葉不落地舞空各各飛秋心崦東崦西杉翠擁  
銅井銅坑擎巉巉披棘應愁木客蹠踏雲不覺芒屨重  
掀天何來萬斛濤司徒廟前怪樹交虯枝拏攫神臂舉  
奮爪一搏身安逃回颺吹衣毛髮冷卻揖山僧求苦苦

偶然照水悟眞如心與古泉光耿耿勝地尤傳香雪海  
中有梅花萬株在玉尖未破凍痕凝樹樹峻嶒傲霜待  
世人只把花時數老幹深秋手誰撫香色俱空骨相堅  
我視魏徵殊媚嫵風引歸情箸路長烟鬢迴首各蒼蒼  
躡遊請待瓊妃笑來試吳兒鐵石腸

水經注自萊蕪夾路連山林藿綿濛

鄧尉聖恩寺

志光福有虎山橋因稱東西二崦

吳縣志銅井在

鄧尉西舊志云卽銅坑

林逋詩已被遠峯擎巉巖

鄧尉聖恩寺志司徒廟在青芝山北未詳其人

唐書魏徵傳帝曰人言魏徵舉動疏慢我但見其斌

媚耳

晉書隱逸傳賈充使妓女服袿獨繞船夏統

危坐若無所見充曰

此吳兒木人石心也

### 天平山

羣山如眾婢心賞苦眼劇一峯妮招人一峯擲又惜天  
平抗奇姿名賢此幽宅獨將骨清蒼一變容媿嬾槎枒  
萬石筍勢欲透天脊流雲不敢壓滃滃出山腋暮色生  
祠陰蒼鼠竄古壁巍然窮塞主神肅貌乃懌胸中百萬  
兵山鬼尙褫魄列戟排肥松建燾撐老柏蘿衣曲磴迴  
聯岳隱林隙曠情掃浮媚野意歛矜式憂樂千秋心蒼  
茫日將夕

歸田詩話范文正公守延安作漁家傲詞意殊衰颯  
歐陽文忠呼爲窮塞主之詞信哉宋史范仲淹傳  
論考其當朝雖不能久然先憂後樂之志海內固已  
信其有宏毅之器足任斯責矣按天平山有范文  
正祖墓其旁有祠像又吳中勝記  
其峯皆立僧曰此萬笏朝天也

由天平至支硎晚坐法螺寺二首

貪山爭一步不怕晚風尖磴僻苔文怪秋陰石氣黔野  
花嘒笑雜僧福佛仙兼欲話楞伽旨誰將妙諦拈

雲木合蒼蒼捫蘿問法堂佛烟山意靜茶味道心長宿  
鳥諳禪板歸樵識定香三支如許從同侍鹿花牀

高僧傳支謙受業於支亮支亮受業於支纖世稱天  
下博知不出三支 西城記伽藍北有仙人隱居鼓  
棹清流麋鹿隨飲感生女子姿貌過人惟腳似鹿仙  
人收養焉後令求火至於仙廬足所踏地迹皆有蓮  
花

野行

人家不逢人籬竹斜映水斗覺衣裳單身入青蘿裏寥

八言解會言集注卷五  
寥一犬吠意倦作旋止傾耳聞希聲前村落松子

寒山別業歌

支硎南去竹雞嘯欲界仙都罨畫溪瓊房璇室烟蕪沒  
玉筍瑤簪螺黛齊當年高士王孫胄列鼎重禡門闕舊  
掃除榮願付苓通愛憑水木餐明秀椎岳鑿蘚起蘭櫺  
五架三間占地偏廬墓偶然營丙舍入山好在趁丁年  
風味寒猶同措大楓窗石几排秋課屋中金石屋頭山  
一例雲烟眼前過蕙帶荷裳瘦木瓢金芝瑤草不時挑  
松關竹藥攜馴鶴風幔攤書得墮樵更有仙儔陸卿子  
人間嘉偶無過此牒草同薰薤葉香長箋對擘雲藍紙



百城南面足優游，千騎東方笑上頭。  
夫婿有人稱石隱，妾心無夢覓封侯。  
珊瑚碧樹交蘭畹，館做琅嬛堂小宛。  
秫酒籩成舉案酬，胡麻種熟齊牢飯。  
鷗波亭上墨霏花，清獻堂中索鬪茶。  
爭似鹿門偕隱侶，依然鴻廡布衣家。  
吳儂悔不生身早，相約誅茅事幽討。  
采箬何妨挈孔妻，人門應許呼龐嫂。  
讀書往往古歡符，靖節前耕翟後鉏。  
釣澤羨攜梅尉女，移居須得鮑家姑。  
奇福千秋幾人占，巖棲我只山資欠。  
鏡閣高情負鹿車，刀環離夢縈雞店。  
白雲夫婦識耶非，有客欵歔坐翠微。  
一片江湖蓬轉恨，漫山風葉亂如飛。

海錄碎事陶宏景云山林奇處乃欲界之仙都老  
學菴筆記有貴人好為俳諧體詩云綠樹帶雲山窈

畫斜陽入竹地銷金又許渾詩家在江南卷畫溪  
太平寰宇記羅浮山有璇房瑤室 范成大桂海虞

衡志玉笱瑤蓼森列無際 蘇州府志寒山別業明

趙宦光與妻陸卿子隱居於此按宦光著有說文長

箋及牒草二書行世 按鍾繇有墓田丙舍帖 李

陵荅蘇武書丁年奉使皓首而歸 全唐詩話宣宗

日崔鉉真貴人裴休真措大 蘇軾寶繪堂記譬之

煙雲之過眼百鳥之感耳 北史李謐傳丈夫擁書

萬卷何假南面百城 李易安金石錄後序每飯罷

坐歸來堂烹茶指書史言某事在某書某卷以中否

為飲茶先後中則大笑或至茶覆懷中 習鑿齒襄

陽耆舊傳龐德公居岷山南司馬德操嘗造公值公

渡沔操徑入堂上呼德公妻子使作黍 南史陶潛

傳其妻翟氏志趣亦同夫耕於前妻鋤於後 胡三

省梅礪詩話永嘉徐照題子陵釣臺云梅福神仙者

新知是婦翁子陵為梅公壻傳記不載詩必有所本

看書葛洪傳洪師事南海太守上黨鮑元

見洪深重之以女妻洪壙城集仙錄作鮑靚

山游雜詩十二首

露蕩香中雨，漿開浩歌聲。  
入紫篔堆新詩，不索人間和。  
只令羣山答響來。

陸游詩船迹

篷低露蕩香

野慈姑白水，淇嬌宛轉溪。  
橫曲尺橋不用黃頭好，  
身手有松陰處便停橈。

山弟山兄儘不凡，穀皮巾子紫蕉衫。  
題名要做磨厓搗，莫把雲根孟浪劖。

李洞贈王鳳二山人詩，山兄望鶴信山弟聽鳥占。

南史劉訐傳，常著穀皮巾，每遊山澤，遇者皆謂神人。

白居易詩，綠

槐風透紫蕉衫。

陰厓小語白雲驚一帶  
岳花莫問名總是采香人過路  
爭教秋士得忘情

蘇軾碧落洞詩小語輒響蒼空山自雷  
驚按漁隱叢話云自雷驚當作白雲驚

空谷無人草自妍  
素心何處寄秋烟  
碧雲迢遞蘭香杳  
折到疏麻一惘然

李商隱詩杜蘭香去未移時  
楚辭折疏麻兮瑤華將以遺兮離居

出山水濁在山清  
笑指流泉也世情  
不及琅花秋泣雨  
單心長是可憐生

杜甫佳人詩在山泉水清出山泉水濁  
陸龜蒙詩嘗聞白芝秀狀與琅花偶

六枳笆籬短簇莎  
平泉池館冷捎蘿  
西風不長當歸草

笑看漫山遠志多

馮衍顯志賦捷六枳而爲籬

蜀志注引孫盛雜語

姜維謂諸葛亮與母相失得母書令求當歸維曰良

田百頃不在一畝但

有遠志不在當歸也

蘅蕪一徑小於釵茶事春前姊妹偕今日紅心還絆路

知他少女幾兜鞵

鰭沙作鬢薜爲裳負畚丁孃貨槩郎一樣樵歸相媚嫵

世間眞不信姬姜

蘇軾於潛女詩鰭沙鬢髮絲穿杼蓬沓障前走

風雨又逢郎樵歸相媚嫵不信姬姜有齊魯

衲子蠶房燒芋便吉由羅底拜金仙我來準斷三心縛

又被瓶花笑破禪

翻譯名義集吉由羅此名瓔珞 徐陵報德寺刹下  
銘三心斷縛六道除怨 陸游詩春物撩人又破禪

青絲紜纜靠山棲地是龜峯峯又西更没人家但烟水

夜闌只好聽天雞

風雲色色入詩腸柏白楓丹榭葉蒼擬翦吳綾圖半啓

出山歸與細君商負春下戴賞藥復一熱熱體淋熱熱

吳縣志鄧尉山北有龜山光福塔在焉 雲仙雜記

關文衍畫九華山圖於白綾半臂號九華半臂自云

令吾此身常在雲泉之內

西山之游徐明經雲路以病不與歸後出詩見

示次韻二首

落葉隨風打畫船尋山不用紫騮鞭  
芡糧伴鶴三升裏

蘿磴爭猱一綫緣病笑畸人慵蹋壁夢隨松子定排烟  
狂奴也受維摩劫羸爾雲頭爛漫眠

陸游詩看山看水無程數漁艇為家芟作糧

北史

薛道衡傳每構文必隱坐空齋蹋壁而臥

沈約赤

松澗詩松子排煙去英靈渺難測

維摩詰經因

以身疾廣為說法

范成大詩飯後無何爛漫眠

廿年蓬累負巔岼此日先君到上盤白舫倘尋前度約  
青山已作故人看寄聲鶴侶裝重戒慎莫鷗盟話再寒  
七十二峯攢翠待踵遊書促報劉安

老子不得其時則蓬累而行

名勝志盤山勢磅礴

而盤桓因名山最高者日上盤

盧綸詩鶴侶正宜

芳景引

黃庚詩惟尋鷗鷺盟

吳縣志彈山直接

青芝有七十二峯閣

劉安淮南王屢見前又杜甫

詩服食劉

安德業尊

詩經

黃芝翁曰：... 吳澤宗載山面

... 吳澤宗載山面

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

... 蘇轍詩

小謨觴館詩集注卷第五